

REFERAT AIA - Aningaasaqarnermut Inuussutissarsionermullu Ataatsimiititaq d. 26-09-2023

Mødedato Tirsdag d. 26. september 2023 kl. 12:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
2023-mut missingersuutit pillugit isummaqatigiissummi anguniakkanut takussutissiaq.....	7
Paamiuni tinutitittarfiup suliarineqarnerata naammassineqarnissaa.....	9
Angalanermit nalunaarusiap malinnaaffigineqarnera.....	12
2024-mut missingersuutit siullermeerneqarnerat.....	19
Missingersuutitik malitseqartitsineq – TB2.....	23
Nuup Bussii A/S - Suleqatigiinnermi isummaqatigiisutitip nutarternera.....	27
Nuup Bussii A/S - Aningaasaqarnikkut inissisimaneq.....	30
Kommuneqarfik Sermersuup aamma Københavns Kommuniata akornanni illoqarfittut ikinngutigiiit	33
Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isu	37
Ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarn	41
Kommunimut pilersaarummut tapiliussap 4C7-1 Unaaq, Nuuk inaarutaasumik akuersissutigineqarn	45
30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut :	48
2023-mut Pilersaarusionermut Periusissap inaarutaasumik akuerineqarnera.....	51
Tasiilami B-51-mik nutaamik inissiineq.....	56
Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tam	59
Kommunimut pilersaarummut tapiliussassatut siunnersuut 1A18-3 C. E. Janssensvejimi inissiaqarfi	62
Kommunimut pilersaarummut tapiliussaq 3C9-1, Inuussutissarsiteqarfik mittarfiup qanittuaniittoq	65
Lukket.....	68
Lukket.....	69
Lukket.....	70
Tamalaat.....	71
Imaqarniliap akuerineqarnera.....	72

Punkt .: Saqqaa

Ilaasortat

Avaaraq S. Olsen (IA) *siulittaasoq*
Juaaka Lyberth (IA)
Uju Petersen (IA)
Justus Hansen (D)
Ken Madsen (N)
Dorthe-Marie Mogensen-Fontain (S)
Doris J. Jensen (S)

Beslutning

Ataatsimeeqataasut:

Avaaraq S. Olsen (IA) *formand*
Juaaka Lyberth (IA)
Uju Petersen (IA)
Justus Hansen (D)
Dorthe-Marie Mogensen-Fontain (S)

Attaveqaatigut peqataavoq:

Ken Madsen (N)
Laura Táunâjik Uitsatikitseq (S) -imut sinniisuuvoq Doris J. Jensen (S)

Ataatsimeeqataasinnaanatik nalunaartut:

Doris J. Jensen (S)

Punkt .: Oqaluuserisassat akuersissutigineqarneri

Beslutning

Imm. 6 ileqquumik ataatsimiinnissamut tullianimut kinguartinneqarpoq.

Imm. 4 imm. 7-inngorlugu nuunneqarpoq.

Oqaluuserisassat allannguutai ilanngullugit akuersissutigineqarput.

Punkt .: Nalunaarutit

Beslutning

Arsummut angalaneg

Aggustimi Kommunalbestyrelsip Paamiuni ataatsimeereernerata kingorna Arsummut Kommunaldirektøri peqatigalugu angalasimavunga, taamaasillunga Kommunerusuarmi nunaqarfiit tamakkerlugit angalasimallunga.

Arsummut kingusinaarluta tikikkatta Kangilinnguit Ivittuullu alakkartersinnaasimangilakka, taamaakkaluartoq Nunaqarfimmi Aqutsisut peqatigalugit nunaqarfimmi alakkartigassat alakkartersimavagut, unnukkullu innuttaasut peqatigalugit nuannerluinnartumik katersortarfimmi nereqatigiissimalluta.

Siornatigut tunumi angalaarsimanera pillugu nalunaarutigereernikuuara Nunaqarfimmi angalaarnitsinni malitseqartitsinissaq Nunaqarfimmut pilersaarummik suliaqarnermi ilanngunneqarumaartut, tamannalu ulluni makkunani suliarineqaleruttorpoq.

Nunaqarfimmi Aqutsisut siulittaasui Nuummum tikeraarnissaat

Aqagu siulittaasut Peter Utuange aamma Niels Ole Utuaq tunumiit tikittussaassapput, kitaaniillu Hanne Jakobsen aamma Ingvar Motzfeldt tallimangorpat tikittussaassallutik. Siulittaasut nuummiinnissaannut siunertaavoq nunaqarfimmi ingerlatsinermut tunngatillugu pitsannuuteqarsinnaasut pillugit eqqartueqatigiinnissaq taamatuttaaq ingerlatsiviit peqatigalugit nunaqarfimmut suliaassanik killiffissiuinissaq. Pisarnerput malillugu qaammatini pingasukkaartuni siulittaasut nunaqarfimnullu ataqatigiissaarisut peqatigalugit tallimangorpat ataatsimeeqatigissavakka. Borgmesteritut ivertinneqareernerma kingorna kissaatigisimavara Nunaqarfimmi Aqutsisut nunaqarfiit pillugit nammineq aammalu ingerlatsivinniit pitsaanerumik suleqatiginissaat atorluarneqarnerunissaallu. Tamannalu timitaleriartuaarneqartoq takusinnaagakkit nuannaarutigaa.

Kalaallit Nunaanni Timersoqatigiit Kattuffiata (GIF) ukiuni 70-ngortorsiorluni nalliuttorsiornissaannut Septembarip ulluisa 02-ani ualikkut Hotel Hans Egede-mi ilasseqatigiinnermut peqataasimavunga. Ualeq nuanneqisumik ingerlanneqarpoq assigiinngitsunik aliikkusersuisoqarluni, oqalugiarnit ingerlanneqarlutik aammalu ataqqinaammik nersornaasiisoqarsimalluni.

Amerikkarmiut konsuuliat Monica Bland aamma Senior development advisor Elizabeth Feary, septembarip ulluisa 5-ani ilasseqatigiinnertamik naapissimavakka. Ilasseqatigiinnermi.....

Ulloq taanna aamma **National Flagdag - Nuna tamakkerlugu ulloq erfalasulertik** malunnartinniarlugu Illoqarfiup katersugaasiviani "Nuutoqaq"-mi ingerlanneqarsimasoq aamma peqataaffigisimavara. Ilasseqatigiinneq ukiut tamaasa aqqissuuneqartartup siunertaraa sakkutuutoqqat iliuuserisimanikuusaat pisortatigut ataqqinaammik ulloq taanna nersualaarneqartarnerat. Ualeq taanna uanga aamma qujassuteqarlunga oqalugiarsimavunga.

Septembarip ulluisa 7-ani **Naluttarfik Malik ukiunik 20-ngortorsiornerani peqataasimavunga**. Ualeq nuanneqisumik ingerlanneqarsimavoq. Naluttarfiup iluaqutai saqqummiunneqarsimapput, Annaassiniartartut takutitsisimapput, Nunatta isiginnaartitsisarfianni isiginnaartitsisoqarsimavoq, Peqatigiiffik Qajaq Nuummersoq takutitsisimavoq, Nipilersornermillu ilinniarfimiit aamma akunniliisoqartarsimalluni. Ualeq naggaserlugu Nuummi naluttartut peqatigiiffiat pinnguartitsisimapput. Uanga pilluaqqusillunga oqalugiarninni naluttarfiup inuiaqatigiinnut sammisassaqarnermut, ataatsimoornermut qasukkarsimaarsinnaanermullu qitiunera taamatuttaaq inuiaqatigiini tamanit, soorlu aamma Nuup avataaneersunut.

PKG Qaqortumi septembarip ulluini 12. aamma 13. Ingerlanneqarsimasoq attaveqaatitigut atortorissaarut aqutigalugit peqataaffigisimavara. Ataatsimiinnermi qulequttat qaqinneqarsimasut tassaapput:

Inuusukombest-mut qinersineq ingerlanneqarsimavoq septembarip ulluisa 15-ani. Kommuneqarfik Sermersuumi atuartut 72 klassini 7, 8 aamma 9-meersut qineqqusaarsimapput. Katillugit 23 qinigaasimapput, qinigaasullu ukiumoortumik aappaagu 2024-p aallartinnerani maani Nuummi katersuutissapput. Ajoraluurtumik Arsummi aammalu Sermiligaami qineqqusaartoqarsimangilaq, tamannalu sumik peqquteqarnermoq Pisortaqtigiit Allatseqarfiannit paasinianeqarpoq.

Septembarip ulluisa 15-ianni **Nunarsuaq tamakkerlugu tamat oqartussaaqataanerannut ullorititamut** atatillugu Nuummi GUX pulaarpara. Matumani inuiaqatigiinni ajornartorsiutaasut maanna atuuttut atuutilerumaartullu ilinniartut

ilaannit qanoq isigineqarnersut ilaatigut saqqummiisoqarpoq. Ajornartorsiutitut taakkartorneqartunut aaqqiissutissatut siunnersuutaasinnaasut pillugit ilinniartunik oqaloqatiginnippunga. Saqqummiussaasa novembarip qaammataani Kommunalbestyrelsimut ilisimatitsissutitut saqqummiunneqarnissaa naatsorsuutigaa. Tamatuma saniatigut aappaagu tamat oqartussaaqataanerannut ullorititap Kommuneqarfik Sermersuumi inoqarfinni tamani malunnartinneqarnissaa pilersaarutaavoq.

Danskit ministeriat Louise Schack Elholm, (kirkeminister og minister for landdistrikter) Septemberip ulluisa 22-ani Kapisilinnut aammalu Neriunamut angalaqatigisimavara. Angalaarnerup siunertarisimavaa nunaqarfiit pillugit paasisassarsiorneq alakkarterinerlu.

Naggataarutigalugu nalunaarutigissavara **Nuummi imerniartarfinnut Mutten, Tullemut aammalu Minimutten** ukioq kingulleq imigassamut sassaallersinnaanermut piginnaasitsissut ukiumut ataatsimut tunniussimasarput sivitsoqqinneqarnissaanut qinnuteqaat allaffeqarfimmiit suliarineqarsimammat. Suliarineqarnerani Kalaallit Nunaanni Politiit tusarniaaffigineqarsimapput, taakkualu qinnuteqartumut aammalu imerniartarfiit pingasuusunut imigassamik sassaallersinnaanissaannut piginnaatitsissutip sivitsornissaanut oqaaseqaatissaqarsimanngillat. Ersarissaavigineqarsimavorlu Nuummi politeeqarfiup immikkoortortaqarfianiit ukioq kingullermut naleqqiullugu pissutsit annertuumik pitsanngoriaateqarsimanagerat. Taamaattumik allaffissornikkut periutsit malillugit imigassamik sassaallersinnaanissamut piginnaatitsissutip sivitsorneqarnera allaffissornikkut ingerlanneqarsimasoq matumani nalunaarutigaa.

Punkt 1: 2023-mut missingersuutit pillugit isummaqatigiissummi anguniakkanut takussutissiaq

Beslutning

Ilisimatitsissut tusaatissatut tiguneqarpoq.

Bilag

2023-mut missingersuutit pillugit isumaqatigiissummi anguniakkat

2023-mut missingersuutit pillugit isumaqatigiissut



2023-mut missingersuutit pillugit isumaqatigiissummi anguniakkanut takussutissiaq

Ilisimatitsissut

SagsID: EMN-2023-00238

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Pisortaqaatigiit Allatseqarfiat missingersuutit pillugit isumaqatigiissummi anguniakkanut takussutissamik suliaqarput, allaffissornikkut akisussaaffik tassaniimmat kiisalu taakku killiffiinut tunngasut. Aningaasaqarnermut Inuussutissarsiornermullu Ataatsimiititaq kiisalu Kommunalbestyrelse missingersuutit pillugit isumaqatigiissummi anguniakkanut killiffimmik qaammatit pingasukkaarlugit ilisimatinneqartassapput.

Matumani takussutissami 2023-mut missingersuutit pillugit isumaqatigiisut tunngavigineqarpoq.

Takussutissaq erseqqarinnerusoq anguniakkallu ataasiakkaat allaaserineqarnerat Ilanngussaq 1-imi takuneqarsinnaapput.

Ingerlatsivimmit aningaasatigut sulisoqarnikkullu naliliinerit

Aningaasartuutaasussatuaq tassa sulisut atorfeqareersut suliamut ingerlatsinerannik piffissaq atorneqartoq.

Suliffeqarfimmut Kiffartuussivimmit aningaasatigut sulisoqarnikkullu naliliinerit

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- 2023-mut missingersuutit pillugit isumaqatigiisut

Ilanngussat

1. 2023-mut missingersuutit pillugit isumaqatigiissummi anguniakkat
2. 2023-mut missingersuutit pillugit isumaqatigiisut

Punkt 2: Paamiuni tinutitittarfiup suliarineqarnerata naammassineqarnissaa

Beslutning

Ilisimatitsissut tusaatissatut tiguneqarpoq.



Paamiuni tinutitittarfiup suliarineqarnerata naammassineqarnissaa

Ilisimatitsissut

SagsID.: EMN-2023-03410

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliamik saqqummiineq

Kommunalbestyrelsimi ilaasortaq Dorthe-Marie Mogensen-Fontain (S) ulloq aggustip 15-ianni 2023-mi Kommunalbestyrelsimut aalajangiiffigisassanngorlugu Paamiuni tinutitittarfiup suliarineqarnerata naammassineqarnissaa pillugu siunnersuummik nassiussivoq. Dorthe-Marie Mogensen-Fontainip siunnersuutigaa, suliaq pilersaarusiornikkut aningaasaliisoqarneratigullu naammassiniarneqassasoq. Kommunalbestyrelsimi amerlanerussuteqartut ulloq aggustip 29-anni ataatsimiinnermi aalajangerput, suliaq Sanarfinermut Avatangiisinullu Ataatsimiititami misissorneqassasoq, tamatumalu kingorna Kommunalbestyrelsip oktobarimi ataatsimiinnerani saqqummiunneqarluni.

Ingerlatsivimmi isumaqartoqarpoq, suliaq taamanikkut pilersaarutaasutut ingerlanneqarsimasoq. Entreprenøri naapertorlugu siusinnerusukkut qaartiterinnermi qaartiterutip annertussusissaatut isumaqatigiissutaasoq naapertorlugu qaartiterineq pilersaarutaasutut ingerlasimasoq. Umiatsianut minnernut tinutitittarfioreersutut sinaakkusersorneqaranilu qisunnik iigalersorneqanngilaq. Taamanikkut aalisartut ingerlatsivimmiullu akornanni isumaqatigiinngissutaasimagunarami tinutitittarfik umiatsianit qanoq angitigisunit atugassaassanersoq. Tamanna tunngavigineqarsinnaavoq suliap naammassineqarsimanngitsutut aalisartunit paasineqarneranut.

Qaartitreqqittoqarnissaanik kiisalu tinutitittarfiup angallatinut anginernut 42 fodi tikillugu angissusilinnut atorneqarsinnaanngorlugu allineqarnissaanik kissaatigineqartup malinneqarnissaa ajornassanngikkaluarpoq. Tinittarnera ulittarneralu pissutaallutik suliap suliarisarnissaanut entreprenørip ullormut akunneq ataasiinnaq atortarsinnaavaa nalilerlugulu 250.000 - 300.000 koruunit missaani akeqassasoq. Aki taanna qaartiterinissaannartaanut tunngavoq. Sinaakktissanut iigalernissaanullu qisuttassanut aningaasartuuteqaqqissinnaaneq ilanngunneqanngilaq. Kissaatigineqarpat akinik allanik ujartuisoqarsinnaavoq. Sinaakktissartaanut qisunnillu iigaliinissamut tunngasortai missingersuutitigut matussutissaqassanersut qulakkeerneqanngikkaluartoq ukioq manna suliarineqarsinnaassaaq imaluunniit ukiumut missingersuusiorfiusumut kingusinnerusumut utaqqisinneqarsinnaalluni.

Ingerlatsivimmit aningaasatigut sulisoqarnikkullu naliliinerit

Ingerlatsivimmi nalilerneqarpoq, tinutitittarfimmik allamik pilersitsinissamut 1 meterimik qaartiterinissaq 250.000 - 300.000 koruunit akornanni akeqarsinnaasoq. Kommunalbestyrelsimit tamanna kissaatigineqarpat immikkut aningaasaliissutissat piniarnermut aalisarnermullu aningaasaliissutinit pissarsiariniarneqarsinnaapput. Itinerulersinneqarnissaanut aningaasatigut matussusiinissamut maannakkut atorneqarsinnaasuniit matussutissaqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Aalisarneq pillugu inatsisartut inatsisaat nr. 18, 31. oktober 1996-imeersoq

Siusinnerusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Ilisimatitsissut akuersissutigineqarpoq.

Ilanngussat

Soqanngilaq.

Punkt 3: Angalanermit nalunaarusiap malinnaaffigineqarnera

Beslutning

Ilisimatitsissut tusaatissatut tiguneqarpoq.

Bilag

Aningaasaqarnermut Inuusutissarsiornermullu Ataatsimiititap aamma Sanarfinermut Avatangiisinullu Ataatsimiititap 2023-mi Nuummi nunaqarfinilu angalanerannit angalanermit nalunaarusiaq



Angalanermit nalunaarusiap malinnaaffigineqarnera

Ataatsimiititaq angalavoq ulluni 15. - 17. maaji 2023

Ilisimatitsissut

SagsID.: EMN-2023-03232

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliamik saqqummiineq

Aningaasaqarnermut Inuussutissarsiornermullu Ataatsimiititaq aamma Sanarfinermut Avatangiisinullu Ataatsimiititaq ulluni 15. - 17. maaji 2023-mi ataatsimoorlutik Nuummi, Kapisilinni aamma Qeqertarsuatsiaani angalapput. Matumani Ingerlatsiviup nalunaarusiamut malinnaatitsineq suliaraa pilersaarutit assigiinngitsut qanoq ingerlaneriniq nassuiaateqarumalluni . Allattorsimaffimmi pilersaarutit amerlanersaat aallartinneqanngikkunik ineriartortinneqarput, allallu politikeriniit sanaartugassatut kissaatit siuartinneqarsinnaapput. Taakkua saniatigut assigiinngitsunik pilersaaruteqarpoq assigiinngitsut pissutigalugit piviusunngortinneqarsinnaanngitsunik.

Pilersaarutit tamarmik qanoq ineriartortinneqassasut nalunaarsorsimapput, angalanermit nalunaarusiami angalareernerup kingorna quppermerit normulersorneqarput kiisalu immikkoortoqarfik sorleq pilersaarummik malinnaatitsissanersoq allassimasarluni. Pilersaarutit ingerlatsiviit allat akisussaaffiisa ataanniittut malinnaaffigineqanngillat.

Pilersaarummut allattorsimaffik (nunaqarfik)	Ineriartortitsinnissamut kissaat	Qupperneq	Immikkoortorta qarfik	Malinnaatitsineq
Kapisillit				
Paasiniaasarfik	Pilersinneqarnera	4	Aningaasaqarnermut Inuussutissarsiornermullu Ataatsimiititaq	Sanarfinermut Avatangiisinullu ingerlatsivimmit malinnaasoqanngilaq
Pinnguarterfik	Nutarterineq		Sanarfinermut Avatangiisinullu Ingerlatsivik	Peerneqarpoq. Nutaamik nassiussisoqarnissa utaqqineqarpoq.
Kuuffissualersuineq atuarfik	Pilersinneqarnera	4	Sanarfinermut Avatangiisinullu Ingerlatsivik	Sanaartugassatuut kissaatigineqarsinnaavoq.
Oqaluffiup silataani majuartarfiit	Nutarterineq	4	Ingerlatsineq aalisarnerlu	Pisortatigoortuunngit sumik neqerooruteqartoqarpoq, tamannali entreprenørimit itigartinneqarluni.



				Misissuineq ingerlavoq.
Ulloq unnuarlu paaqqinnittarfik	Meeqqat paarineqarnissa annut ilinniarsimasunik sulisoqarneq	5	Meeqqanut Atuarfeqarnermu llu Ataatsimiititaq	Sanarfinermut Avatangiisinullu ingerlatsivimmit malinnaasoqanngilaq
Sannavimmut qaqisariaq	Nutarterineq	5	Sanaartukkanut immikkoortoqarfik	Qaqisarissap iluarsanneqarnissa annut pilersaarutit aallartipput.
Nuussuarmut aqut	Pilersinneqarnera	5	Sanarfinermut Avatangiisinullu Ingerlatsivik	Massakkut aningaasaliissutigine qartut kangerluup qinnguani illuaraliorfissatut pilersaarusiortifigineq artumut tamanillu aqutigineqartussamut aqquinninnissamut tapiissutitut agguanneqarput. Aningaasat nunalerinermut tapiissutitut atorineqarsinnaapput savaatiliullu ujaraqqanik aqquinninnissaq isumagalugu, soorlu Kommune Kujallermi ilisimaneqartutut. Sulisussaaleqineq pissutigalugu suliaq ingerlatsivimmit ingerlateqqinneqanngilaq.
Inissaaleqineq	Inissiat nutaat suliffimmut attuumassuteqanngitsut	6	Pilersaarusiortineq oqartussaaffeqarfillu	Sanaartugassatuut kissaatigineqarsinnaavoq.
Iseritsip inissiaatai	Nutarterineq	6	Pilersaarusiortineq oqartussaaffeqarfillu	Iseritsip akisussaaffia, sanaartornissamilli kissaateqartoqarsinnaavoq.
Pitsanngorsaaneq/puttasooq nutaaq	Pilersinneqarnera	7	Ingerlatsineq aalisarnerlu	Illup sullissiviup pilersaarutigineqarnera paasiniaqqaarneqasaaq.



Aqquserngit sinerlugit kuserngit	Pilersinneqarnera	7	Ingerlatsineq aalisarnerlu	Sanaartugassatuut kissaatigineqarsinna avoq.
Eqqagassalerineq	Eqqaavissuup nuunneqarnissa	7	Ingerlatsineq aalisarnerlu	Pisariaqartinneqarnera paasinarpoq, tamannali pillugu ingerlatsivik massakkut pilersaaruteqanngilaq.
Perusersartarfimmut tunngasut, kuutsittakkat	Pilersinneqarnera	7	Sanarfinermut Avatangiisinullu Ingerlatsivik	Sanaartugassatut kissaatigineqarsinna avoq, tassanili Nukissiorfiit imermik kuinnartumik tunniussisinnaanera pisariaqarpoq.
Perusersartarfiit tamanut ammasut	Pilersinneqarnera	7	Sanarfinermut Avatangiisinullu Ingerlatsivik	Sanaartugassatut kissaateqarnikkut illu sullissivimmi pilersinneqarsinnaavoq.
Tamanit eqqaavigineqarsinnaasut	Pilersinneqarnera	7	Ingerlatsineq aalisarnerlu	Nunaqarfimmi eqqaaveqareerpoq tamanit atorneqarsinnaasunik. Siunissamut pilersaarutitut nalilersuineq 2024-mut kissaatit allattorsimaffiannut ilanngunneqarsinnaavoq.
Illup sullissiviup atortui	Imermut kissartumut imiisivik anginerusoq	7	Sanaartukkanut immikkoortoqarfik	Pisariaqartitsineq paasinarpoq, ingerlatsivimmilli taarserneqarnissaa massakkut pilersaarutigineqanngilaq.
Qeqertarsuatsiaat.				
Sannavimmut wire aamma krani	Nutaaq/iluarsaasineq	9	Ingerlatsineq aalisarnerlu	Massakkut iluarsaanneqareerpoq. Krani nutaaq pillugu massakkut misissuisoqarpoq.
Piniartut illuaraat	Misissuineq: Atuisartut akiliuteqartarnerannut taarsiullugu	9	Ingerlatsineq aalisarnerlu	Akit akit allattorsimaffianniittut politikerinit aalajangersarneqartarput.



	kvardratmeterim ut aki			
Pinnguarterfik	Iluarsaassinerit: Taseqqamik imaarutsitsineq	9	Ingerlatsineq aalisarnerlu	Pitsanngorsaaniissa mut pilersaarutit. Sioqqanik/ujaraaqqanik 2024-mi aningaasaliineq.
Qatserisartoqarfik, immikkut imermik pilersuineq	Pilersinneqarnera	9	Upalungaarsimasut	Immikkut imermik pilersuineq massakkuugallartok pilersaarutaanngilaq , upalungaarsimasun ullu immikkoortumut pilersaarummi tamanna illoqarfimmi immikkut sillimaffigineqarpoq.
Qatserisartoqarfiup kalerrisaarinermut siggartaatai	Nutaanik kalerrisaarinermut siggartaatinik ikkussuineq	9	Upalungaarsimasut	Immikkut kalerrisaarinermut siggartaatit pilersaarutaanngikka llarput, upalungaarsimaner mulli immikkoortumut pilersaarummi tamanna illoqarfimmi sillimaffigineqarpoq.
Qatserisartoqarfiup sungiusartarfia/eqqagas salerinermut aaqqiissut	Misissuineq	9	Upalungaarsimasut	Immikkut qatserinermut sungiusartarfik massakkuugallartok pilersaarutaanngilaq , tamannali upalungaarsimasut pillugit immikkoortumut pilersaarummi illoqarfimmi sillimaffigineqarpoq.
Eqqaavissuaq	Eqqaavissuup imaarnissaa	10	Ingerlatsineq aalisarnerlu	Torersaaneq 2023- mi aggustimi pivog.
Sunngiffimmi ornittagaq	Nutarnerineq, ingerlatsinermut aningaasat	10	Meeqqanut Atuarfeqarnermu llu Ataatsimiititaq	Nutarsaaneq 2024- mi nutartigassatut kissaatit pilersaarusiorneqarn erinut kissaatigineqarsinna avoq.



Meeqquerivik	Nutarterineq, sulisunik amigaateqarneq	10	Meeqqanut Atuarfeqarnermu llu Ataatsimiititaq	Nutarsaaneq 2024-mi nutartigassatut kissaatit pilersaarusiorneqarn erinut kissaatigineqarsinna avoq.
Tanki imikumik katersuivik	Nutarterineq	10	Sanaartukkanut immikkoortoqarfik	Imikumik katersuivik taarsersorneqarluni aallartinneqarpoq. Naammassillugu suliarineqassaaq aamma kabelit qerinnaveequitillit ikkussorneqassapput.
Inissiat	Iseritsip suleriusii nunaqarfinnut naleqqussarneq assapput	10	Pilersaarusiorneq oqartussaaffeqarfillu	Iseritsip akisussaaffia, sanaartornissamilli kissaateqartoqarsinna avoq.
Kuuffissualersuineq, aquittarfiit kuutsittakkat	Pilersinneqarnera	12	Sanaartornermut Immikkoortortaqarfik	Sanaartugassatut kissaatigineqarsinna avoq, tassanili Nukissiorfiit imermik kuinnartumik tunniussisinnanera pisariaqarpoq.
Eqqagalerineq (ingerlatsisinnaanermut allagartamik nalornissuteqarneq)	Sulisunik piukkunnarsaneq	12	Ingerlatsineq aalisarnerlu	Ajornartorsiut Ingerlatsivimmit ilisimaneqarpoq sulisullu ingerlaavartumik pikkorissarniarneqartarput.
Atuarfimmi oquk	Nutarterineq	12	Sanaartornermut Immikkoortortaqarfik	Tulliani R&T rengøring nunaqarfimmukarpat atuarfiup oqoqarnera misissorneqassaaq.

Ingerlatsivimmit aningaasatigut sulisoqarnikkullu naliliineq

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Ataatsimiititap suleriaasia

**Siusinnerusukkut aalajangiinerit**

Sanarfinermut Avatangiisinullu Ataatsimiititaq, 18.09.23:

Inassuteqaat akuersissutigineqarpoq.

Ilangussat

1. Aningaasaqarnermut Inuusutissarsiornermullu Ataatsimiititap aamma Sanarfinermut Avatangiisinullu Ataatsimiititap 2023-mi Nuummi nunaqarfinnilu angalanerannit angalanermit nalunaarusiaq

Punkt 4: 2024-mut missingersuutit siullermeerneqarnerat

Beslutning

Inassuteqaat akuersissutigineqarpoq, imatut oqaaseqaatitalerlugu:

Inassuteqammi immikkoortoq 5-imut tunngatillugu 2024-2027-mi sanaartugassanut missingersuutitigut pisariaqartutigut pingaarnersiuiinissamik nuussinissamullu Aningaasaqarnermut Inuussutissarsiornermullu Ataatsimiititaq akuersivoq (suliamut ”2024-2027-imut sanaartugassatut pilersaarutit pingaarnersiorneqarnerannik allanngortitsinissaq” nutaatut ilanngussaq), aalajangiussamut ilanngunneqassaaq.

Sanaartugassanut missingersuutitigut pingaarnersiuiinermi allannguinnissamik Aningaasaqarnermut Inuussutissarsiornermullu Ataatsimiititamit innersuussuteqarneq tunngavigalugu angusat nalunaarsorneqarnerat, aningaasaliissutinut takussutissiaq aamma Sanaartugassanut takussutissiaq nutaamik suliarineqassapput, taamaalilluni aningaasat atorsinnaasat 86 mio. kr.-nik annertussuseqartussanngorlugit

Aammattaaq Aningaasaqarnermut Inuussutissarsiornermullu Ataatsimiititamit innersuussutigineqarpoq, 2024-mi ingerlatsinermi sillimmatissanik siumoortumik 20 mio. kr.-nik pingaarnersiuisoqassasoq, 2024-mi aningaasaqarnikkut ilungersunartorsiortoqassagaluarpat matussutissaqartoqarsinnaanissaq pillugu.

Taamaalilluni politikikkut isumaqatiginninniarnermut 66 mio. kr.-nit atorneqarsinnaalerput.

Taanna atortussaq Kommunalbestyrelsen 2024-miit 2027-mut missingersuutissanik siullermeerinissaanut atugassatut innersuussutitalerlugulu nassiunneqarpoq.

Bilag

Angusat pillugit takussutissiaq

Aningaasaqarnikkut ilungersunartut

2024-mut missingersuutissatut siunnersuut – Meeqqanut Atuarfeqarnermullu

2024-mut missingersuutissatut siunnersuut – Meeqqanut Atuarfeqarnermullu

2024-mut missingersuutissatut siunnersuut – Sanarfinermut Avatangiisinullu

Nuussinerit – Suliffeqarfimmut Kiffartuussivik

Nuussinerit – Suliffeqarneq Isumaginninnerlu

Nuussinerit – Sanarfinermut Avatangiisinullu

Nuussinerit – Meeqqanut Atuarfeqarnermullu

Sanaartugassanut missingersuutit

Misissueqqaarnerit

Siunertat allaaserineqarneri 2024



2024-mut missingersuutit siullermeerneqarnerat

Aalajangiiffigisassaq

SagsID.: EMN-2023-01436

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ataatsimiititaq ilanngussaq 1 naapertorlugu missingersuutini qanoq oqimaaqatigiissaarisooqassanersoq pillugu politikikkut isummissasoq
- ilanngussat 2 - 5 naapertorlugit aningaasatigut ilungersunartut 55 mio. koruuninik amerlassusillit 2024-mut missingersuutini ilanngunneqarnissaat akuersissutigineqassasoq
- ilanngussat 6 - 9 naapertorlugit missingersuutini nuussinissamut siunnersuutigineqartut akuersissutigineqassasut
- akissarsianik siumut naatsorsuineri 2,8%-inik annertussusilerneqarnissaat akuersissutigineqassasoq
- ilanngussaq 10 naapertorlugu sanaartugassatut pilersaarutit pingaarnersiorneqarnerannik allangortitsinissaq akuersissutigineqassasoq
- ilanngussaq 11 naapertorlugu misissueqqaarnissanik pingaarnersiuisooqassasoq
- ilanngussaq 12 naapertorlugu 2024-mut siunertat allaaserineqarnerat akuersissutigineqassasoq
- Akileraarutip procentia 26% oqaluuserineqassasoq
- Missingersuutit oqaluuserineqartut, naleqqussaannerit ilanngullugit, siullermeerneqarnissaannut Kommunalbestyrelsimut inassuteqaatigineqassasut

Suliamik saqqummiineq

Allaffeqarfik Aningaasaqarnermut Inuussutissarsiornermullu Ataatsimiititap 2024-mut inaarutaasumik missingersuusiordernerat atatillugu arlalinnik allagaqarpoq suliamut saqqummiussissummut matumunnga ilanngunneqartunik.

Allagaatit tassaapput 2024-mut missingersuutitut kiisalu ukiunut missingersuusiorderfiusunut 2025-2027-nut missingersuutit saqqummiussassat ataatsimut katiterneqarneri. Missingersuutit saqqummiineri 2024-mi tunngaviumik missingersuutit suliarineqarnissaat, ataatsimiititallu missingersuutit qanoq oqimaaqatigiissaarisooqassanersoq pillugu isummernissaa siunniunneqarpoq.

Allaffeqarfiup 2023-mut missingersuutit akuerisat kiisalu TB1 aamma TB2 aallaavigalugit 2024-mut tunngaviumik missingersuutit suliarai. Kommunip missingersuutaa isertitanut, ingerlatsineri aningaasartuutit, ernianut sanaartugassanullu aningaasaliissutit agguagaavoq.

Ataatsimiititap siullermeerinninnissaanut 2024-mut tunngaviumik missingersuutit ilaapput, tassanilu tunngaviatigut nalinginnaasumik ingerlatsineri 413 mio. koruuninik inerneqartut takussutissaalluni, sanaartugassanut aningaasaliissutit 242 mio. koruunit, tamatumalu kingunerisaanik 2024-mut inernerusut 170 mio. koruuniussallutik.



Ukioq manna missingersuutiniq suliaqarnissami 'Missingersuutitigut inissisimaneq'-mik taaneqartoq assut pingaaruteqarsimavoq. *Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa* pillugu Inatsisartut inatsisaat nr. 13, 1. december 2021-meersoq akuerineqarnerani, kommune aningaasartuutimik killilersuinissaminik pisussaaffilerneqarpoq – naak aamma isertitat amerliartoraluurtut.

Tamanna isumaqarpoq, kommunip ingerlatsineranut sanaartornermullu aningaasartuutai annerpaamik 2.263 mio. koruuninik amerlassuseqassasut. Ukiumi missingersuusiorfimmi 2024-mi ingerlatsineranut sanaartornermullu katillugit 2.336 mio. koruuninik aningaasartuuteqarfiusussamik missingersuusiortoqarpoq, tamannalu isumaqarpoq, missingersuusiornermut inatsisip malinnissaanut 73 mio. koruuninik amerlassusilinnik missingersuutitigut imaannaangitsortaartoq.

Ataatsimiititaq sanaartornermut missingersuutini misissueqqaarnissanilu pingaarnersiutinik allangortitsissasoq siunniunneqarpoq, missingersuutitigut inissisimaneq taamaatsiinnarnissaa anguneqassappat, aningaasartuutit annikillisinneqarnissaannik pisariaqartitsineq eqquutsinneqartariaqarmat. Ilutigalugu politikikkut pingaarnersiuisinnaanissaq qulakkeerniarlugu pingaarnersiukkanik allanguisoqassaaq. Taamaalluni atorsinnaasat tassaapput politikikkut missingersuutit pillugit isumaqatiginniarnermi najoqqutassat. Aningaasat atorsinnaasat tunngavigalugit Kommunalbestyrelse missingersuutininut siunnersuutit pingaarnersiornissaannut kiisalu missingersuutini kissaatit suliniutillu nutaat ilanngunnissaannut periarfissaqassaaq.

Missingersuutit Kommunalbestyrelsimi siullermeerneqarnissaannut saqqummiunneqassapput, tamatumalu kingorna missingersuutit inaarutaasumik aalajangiunneqarsimasutut naatsorsuutigineqarnissaannut Aningaasaqarnermut Inuussutissarsiornermullu Ataatsimiititami Kommunalbestyrelsimilu aappassaaneerneqassapput.

Ingerlatsivimmit aningaasatigut sulisoqarnikkullu naliliinerit

Aallaqqaasiutit ingerlatsivimmit oqaatigineqassaaq, missingersuutissatut siunnersuut 2023-mut missingersuutit akuerisat aallaavigalugit suliarineqarmat, 2023-mi ilassutit aningaasaliissutit akuerineqarnerisa kingorna aaqqiissutitaqartut. Ingerlatsivimmit nalilerneqarpoq, missingersuutissatut siunnersuut massakkut saqqummiunneqartoq suliaalluortoq, tunngavilersorluugaasoq kiisalu pissutsit piviusut misissuinerillu tunngavigalugit suliaasoq. Missingersuutit aqutsineranut atugassaapput, matumanilu allaffeqarfimmit politikinerillu missingersuutit, tassunga ilanngullugit imarisai piumasaqaatillu ilaasut, tutsuigineqarnissaat pisariaqarpoq. Taamaattorli suliasat annertussusiisa allangornerinik kiisalu tassanngaannartumik pisoqarneranik missingersuutininut siunnersuusiornermi siumut naatsorsorneqarsinnaangitsunik pisoqarsinnaavoq. Pissutsit taamaattut ukiumi missingersuusiorfimmi ilassutissatut aningaasaliissutit ilaatinneqartassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq, Suliffeqarfimmut kiffartuussivik suliamut uunga pineqartumut susassaqartuugami.

Inatsisitigut tunngavissaq allakkallu tunngaviumik uppernarsaatillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat nr. 13, 1. december 2021-meersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-meersoq



- Kommuneqarfik Sermersuumi Aqutsinermut ileqqoreqqusat
- Kommuneqarfik Sermersuumi 20243-mut missingersuusionermut malittarisassat
- Kommuneqarfik Sermersuumut piginnaatitsinermik agguataarinissamut pilersaarut

Ilanngussat

1. Angusat pillugit takussutissaq
2. Aningaasaqarnikkut ilungersunartut
3. 2024-mut missingersuutissatut siunnersuut – Meeqqanut Atuarfeqarnermullu
4. 2024-mut missingersuutissatut siunnersuut – Meeqqanut Atuarfeqarnermullu
5. 2024-mut missingersuutissatut siunnersuut – Sanarfinermut Avatangiisinullu
6. Nuussinerit – Suliffeqarfimmut Kiffartuussivik
7. Nuussinerit – Suliffeqarneq Isumaginninnerlu
8. Nuussinerit – Sanarfinermut Avatangiisinullu
9. Nuussinerit – Meeqqanut Atuarfeqarnermullu
10. Sanaartugassanut missingersuutit
11. Misissueqqaarnerit
12. Siunertat allaaserineqarneri 2024

Punkt 5: Missingersuutitik malitseqartitsineq – TB2

Beslutning

Inassuteqaat akuersissutigineqarpoq.

Bilag

Takussutissiaq tamarmiusoq

Ilassutitut aningaasaliissutit nuussinissallu_tamarmiusut

Suliffeqarfimmut Kiffartuussivimmit qinnuteqaat

Meeqqanut Atuarfeqarnermullu Ingerlatsivimmit qinnuteqaat

Meeqqanut Ilaqutariinnullu Ingerlatsivimmit qinnuteqaat

Sanarfinermut Avatangiisinullu Ingerlatsivimmit qinnuteqaat

Suliffeqarnermut Isumaginninnermullu Ingerlatsivimmit qinnuteqaat



Missingersuutitik malitseqartitsineq – TB2

Aalajangiiffigisassaq

SagsID.: EMN-2023-03371

Suliffeqarfimmuk Kiffartuussivik – Kommunaldirektøri Ole Jakobsen / OJAK

Suliffeqarfimmuk Kiffartuussivik - Vicekommunaldirektøri Marie Fleischer / MAFL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – pisortaagallartuq Severing Berg / SEBE

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

Inassuteqaat

Pisortaqaatigiit Aningaasaqarnermut Inuusutissarsiornermullu Ataatsimiititamik inassuteqaatigaat:

- ilassutitut aningaasaliissutit katillugit -80.195.000 koruunit akuersissutigineqassasut
- nuussinissat akuersissutigineqassasut
- suliaq Kommunalbestyrelsimullu aalajangiiffigisassanngorlugu ingerlateqqinneqassasoq

Suliamik saqqummiineq

2023-mi ukiup affaani siullermi naatsorsuutit misissornerinut atatillugu Kommuneqarfik Sermersuumi Ingerlatsivinnit siunertat assigiinngitsut nalilersorneqarput, matumani ingerlatsivinni ataasiakkaani missingersuutaasussani aaqqiissutissanik pisariaqartitsisoqarnersoq paasiniallugu. Taamaattumik ingerlatsiviit ataasiakkaanik aningaasaliissuteqarnerunissaq pillugu kisianni aamma aningaasaliissutitik atunngitsuukkanik kommunip karsianut utertitsinissaq pillugu qinnuteqarput. Ingerlatsivinnut ilassutitut aningaasaliissutit katillugit -80 mio. koruunit missaanniittut karsimiittuutitut utertinneqassapput. Aningaasat imatut agguataagaapput:

Isertitat -47,5 mio kr.

Suliffeqarfimmuk Kiffartuussivik -1,4 mio kr.

Suliffeqarnermut Isumaginninnermullu Ingerlatsivik -11,7 mio kr.

Meeqqanut Ilaqutariinnullu Ingerlatsivik 20,0 mio kr.

Meeqqanut Atuarfeqarnermullu Ingerlatsivik -3,0 mio kr.

Sanarfinermut Avatangiisinullu Ingerlatsivik -36,5 mio kr.

Katillugit -80,1 mio. kr.

Aningaasaliinissamik pisariaqartitsinermit pingaarnertut pissutaasut

Isertitat: Akileraarnermut Aqutsisoqarfiup ukiormanna 2023-mut akileraarutitut A-nut isertitassat piviusorsioqut amerlanerussasut naatsorsuutigaa, Kommuneqarfik Sermersuumut akileraarutitut isertitat 47.500.000 koruuninik annertusinissaat taamaalilluni siunnersuutigineqarpoq.

Suliffeqarfimmuk Kiffartuussivik: Aningaasaliissuteqarnerunissat ataasiakkaat pillugit aningaasartuutit naatsorsuutaasimanngitsunit ataasiakkaaneernissaannik qinnuteqartoqarpoq. Taamaattoq missingersuutit annertunaarsimaneri pissutigalugu -2 mio. koruunit karsimut utertinneqarput. Tamanna taamaallaat ukioq mannamut atuuppoq.

Suliffeqarnermut Isumaginninnermullu Ingerlatsivik: Ingerlatsiviup ukioq manna -11,7 mio koruunit karsimut utertippai. Ukiormanna aningaasaliissutitik annikilliinermut tunngavilersuutigineqartoq tassaavoq isumaginninnermut suliaasaqarfimmi atorfiit inuttassarsiuunneqartut inuttassarsisimanngimmata.



Meeqqanut Ilaqutariinnullu Ingerlatsivik: Aningaasaliissuteqarnerunissamut pisariaqartitsinermi meeqqanik inissiisarnernut aningaasartuutaasartut 20,0 mio. koruuninik amerleriaateqarsimanerat pissutaavoq. Ukiuni kingullerni marlunni Meeqqanut Ilaqutariinnullu suliassaqaqfimmi aningaasaliissuteqarnerunissamut pisariaqartitsineq 65 mio. koruunit missaannut qaffassimavoq, tamannalu kommunip aningaasaqarneranut unammillernarpoq.

Meeqqanut Atuarfeqarnermullu Ingerlatsivik: Ingerlatsiviup ukiormanna -3 mio. koruunit karsimut utertippai. Ukiormanna aningaasaliissutinik annikillinermit tunngavilersuutigineqartoq tassaavoq isumaginninnermut suliassaqaqfimmi atorfiit inuttassarsiuunneqartut inuttassarsisimangimmata

Sanarfinermut Avatangiisinullu Ingerlatsivik: Ingerlatsiviup -36,5 mio. koruuninik isertitaqarnissaq naatsorsuutigaa. Isertitat Namminersorlutik Oqartussat blok 1-p isaterneranut akileeqaataassutissaanit, illuutinik tunisinermit, sullissinissamut isumaqatigiissummit aamma ESANI A/S-imit utertitsissutinik pissarsiassanit aalajangerneqassaaq.

Aningaasat tigorianaanaat: Ukiup naaneranut kommunimi aningaasat tigorianaanaat, missingersuutaareersimasunut 103 mio. koruuninut sanilliullugit, -92,3 mio. koruuniunissaat maanna naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Naatsorsuutinik misissuinerup takutippaa, aaqqiissutit akuerineqanngippata ukiuni tulliuuttuni missingersuutit maanna kommunip aningaasaqarnikkut inissisimaneranut naapertuukkunnaassasut.

Illassutissatut aningaasaliissutissatut kissaatigineqartut akuerineqassappata kommunip missingersuutaannut ima sunniuteqassapput; kommunip karsimiittuutai maannakkut 35 mio. koruunit missaannik annertussuseqarput. Qinnuteqaatit akuerineqassappata katillugit qinnutigineqartut -80.195.000 koruunit karsimut ikineqassapput. Taamaalilluni kommunimi karsimiittuutit tamarmiusut, ilassutitut aningaasaliissutit kingorna, 2023-mi katillugit -92,3 koruuniussapput.

Suliffeqaqfimmut Kiffartuussivimmit aningaasatigut naliliineq

Suliffeqaqfimmut Kiffartuussivimmit allanguutit, ilassutissatut aningaasaliissutit aamma nuussinerit, inassuteqaatigineqarput, ingerlatsivimmut missingersuutit pisariaqartinneqartut eqqornerusumik isikkoqalissammata.

Inatsisitigut tunngavissaq allakkallu tunngaviusumik uppernarsaatillit

- Kommunit missingersuusiortarnerat, aningaasanik tigorianaanaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allanguineq, nammineq aningaasaatinik naleqqussaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassaannik erseqqissaaneq)



Ilanngussat

1. Takussutissiaq tamarmiusoq
2. Ilassutitut aningaasaliissutit nuussinissallu_tamarmiusut
3. Suliffeqarfimmud Kiffartuussivimmit qinnuteqaat
4. Meeqqanut Atuarfeqarnermullu Ingerlatsivimmit qinnuteqaat
5. Meeqqanut Ilaqutariinnullu Ingerlatsivimmit qinnuteqaat
6. Sanarfinermut Avatangiisinullu Ingerlatsivimmit qinnuteqaat
7. Suliffeqarnermut Isumaginninnermullu Ingerlatsivimmit qinnuteqaat

Punkt 6: Nuup Bussii A/S - Suleqatigiinnermi isumaqatigiissutip nutarternera

Beslutning

Immikkoortoq 6 kinguartinneqarpoq.

Bilag

Nuup Bussii A/S peqatigalugu suleqatigiinnissamik isumaqatigiissut

Akit akinillu aalajangersaanermi periuseq (isumaqatigiissummut ilanngussaq 1)

Angallassinissamik inniminniineq ingerlatsinermilu tapiissutit (isumaqatigiissummut ilanngussaq 2)

Nuup Bussii A/S - Suleqatigiinnermi isumaqatigiissutip nutarternera

Aalajangiiffigisassaq

SagsID.: EMN-2023-01889

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Nuup Bussii peqatigalugit "Tamanik angallassisarnermut isumaqatigiissut" akuersissutigineqassasoq
- isumaqatigiissummut ilanngussaq 1 "Ilanngussaq 1. Akit akinillu aalajangersaanermi periuseq" akuersissutigineqassasoq
- isumaqatigiissummut ilanngussaq 2 "Ilanngussaq 2. Angallassinissamik inniminniineq ingerlatsinermilu tapiissutit" akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliamik saqqummiineq

Kommuneqarfik Sermersuumi allaffeqarfiup Nuup Bussiini siulersuisut pisortaqtigiillu suleqatigalugit "Nuummi tamanik angallassisarnermut isumaqatigiissut" 2018-imeersoq ilanngussallu tassunga atasut nutarterpai. Tamanik angallassisarnermut isumaqatigiissutip massakkut piffissamut naapertuutilernera nutarterinermut siunertaavoq. Kommunip illoqarfiini tamanik angallasseriaaseqarnermi atukkat aaqqissuunneqarnissaat aammalu ukiuni tulliuttuni sisamani innuttaasut angalasarnerannut illoqarfiullu ineriartorneranut ilaqutaasussamik tamanik angallasseriaaseqarnissaq qulakkeerineqassasoq isumaqatigiissusiornikkut siunertaavoq.

Nuup Bussii tamanik angallasseriaatsimik, innuttaasut angalasarnerannik illoqarfiullu ineriartorneranik tapersersuisumik aaqqissuillunilu ineriartortitsisinnaassamat, Kommuneqarfik Sermersuumi tamanik angallassisarnermut atugassarititanut najoqqutassat pitsaasuunissaasa qulakkeerineqarnissaat suliaqarnermut pingaarnertut siunertaavoq.

Nuup Bussii sapinngisamik niuernerpalaartumik aammalu aningaasaqarnerup ingerlanneqarnera peqqinnartoq paasiuminartorlu aallaavigalugu tamanik angallasseriaaseq pilerinartoq suliffeqarfimmit aqutsisoqarnikkut namminersortumik aallutarineqartoq Kommuneqarfik Sermersuup Nuup Bussiisalu akornanni akuersissummik isumaqatigiissutip nutarsarnissaa inerisaqqinneralu siunertarineqarput. Tamanik angallasseriaaseq ilaatigut billetsinik isertitaqarnikkut aamma Kommuneqarfik Sermersuumit tapiiffigineqartarneratigut aningaasalersorneqassaaq.

Kommuneqarfik Sermersuup Nuup Bussiisalu akornanni akuersissummik nutaamik isumaqatigiissusiortoqarneratigut nutaalik isumaqatigiissusiornermik tamanna pingaarnertut kinguneqarpoq, taannalu aggulullugu pingaarnertut isumaqatigiissummik inerneqarluni ilaatigut Nuummi tamanik angallasseriaaseqarneq pillugu isumaqatigiissummik (ilanngussaq 1) taaneqarluni, aammalu Akit akinillu aalajangersaanermi periutsimik (ilanngussaq 2) taaneqartumik kiisalu Angallassinissamik inniminniineq ingerlatsinermilu tapiissutinik (ilanngussaq 3) taaneqartumik.

Nuup Bussiinik akuersissummik maannakkut isumaqatigiissusiortoqarneratigut akinut aaqqissuussat akillu qaffasissusaat Kommunalbestyrelsimut akuersissutigineqarput. Suliffeqarfimmi

akit maannamiit aalajangersarneqartalernissaat Nuup Bussii peqatigalugit akuersissuteqarnermik isumaqatigiissuteqarnikkut siunertarineqarpoq.

Atuisunut akit Kalaallit Nunaanni Naatsorsueqqissaartarfimmiit naatsorsorneqartartut allanngoriartorneri malillugit Nuup Bussii ukiumut ataasiarlutik (apriilip aallaqqaataa aallarnerfigalugu) akinik naleqqussaasassasoq matumani atuarneqarsinnaavoq.

Kommunalbestyrelsili akigititattatiinnarneqarnissaat (takukkit ilanngussat 1 + 2) kissaatigiguniuk tapiissutinik amerlilinissamut periarfissaqassaaq.

Kommuneqarfik Sermersuumi tamanik angallasseriaaseqarnermut pingaarnertut najoqqutassat pingaarnertut isumaqatigiissummi aamma isumaqatigiissutit ataani isumaqatigiissutaasuni marlunni malinneqarput. Kommunalbestyrelse ingerlatsinikkut tapiissuteqartoqassappat, angallanneqarnissamik ataavartumik inniminniisoqassappat kiisalu attaveqarnerup Kommuneqarfik Sermersuumit pigineqartup aningaasalersornissaanut pingaarnertut akisussaaffimmik aalajangersaasuvoq. Akerlianik suliffeqarfiup ukiumut akit siuliini najoqqutassat taaneqartut tunngavigalugit aalajangersaavigisarnissaat akisussaaffigaat, aamma isumannaallisaaneq, assigiiamik angallassineq, sullissanik sullissineq kiisalu bussit eqqiluutsut aserfallatsaalioluakkallu isiginiarlugit pitsaasunik pitsaassusilinnik sullissinissamik suliffeqarfik akisussaaffeqarpoq. Isumannaallisaaneq, assigiiamik angallassineq, sullissat naammagisimaarinninnerat naammagittaalliutillu amerlassusaat eqqarsaatigalugit ataavartumik pitsanngorsaanissamik suliniarnermi pitsaassuseq anguniarlugu malitseqartitsineq nalunaarusiornerlu suliffeqarfiup pisussaaffigai.

Akuersissummik isumaqatigiissut ukiuni sisamani atuutissaaq. Isumaqatigiissut qaammatinik aqqaneq-marlunnik sioqqutsilluni Kommuneqarfik Sermersuumit atorunnaarsinneqarsinnaavoq. Isumaqatigiissuteqarnerup nalaani Nuup Bussii A/S-imiit isumaqatigiissut atorunnaarsinneqarsinnaanngilaq.

Ingerlatsivimmit aningaasatigut sulisoqarnikkullu naliliineq

Nuup Bussiisa minnerunngitsumillu kommunimi innuttaasut atugaat piviusut inissisimanerallu eqqarsaatigilluinnarlugit isumaqatigiissusiortoqarsimanera allatseqarfimmit pitsaasutut isigineqarpoq. Nuup Bussii nammineq killiliussat atorlugit ingerlatsilernissaq periarfissaralugu suliffeqarfittut niuernikkut ingerlalernissaa pingaaruteqarpoq.

Suliffeqarfimmut Kiffartuussivimmit aningaasatigut naliliineq

Isumaqatigiissut nutartigaq akigititatt ingerlatsinermullu tapiissutit kommunalbestyrelse peqatigalugu aalajangerneqartut pillugit isumaqatigiissutinik attassivoq. Ingerlatsiviup tamanna pitsaasutut isigaa allanillu oqaaseqaatissaqarani.

Inatsisitigut tunngavissaq allakkallu tunngaviusumik uppersaatiillit

- Politibekendtgørelse om omnibuskørsel af 21 januar 1976 i Godthåb Kommune, udstedt i medfør af Færdselslov for Grønland nr 832 af 18 december 1991
- Kalaallit Nunaanni aqqusinertigut angallannermut inatsisip allannguutaa pillugu inatsit nr. 497, 17. juni 2008-meersoq

Ilanngussat

1. Nuup Bussii A/S peqatigalugu suleqatigiinnissamik isumaqatigiissut
2. Akit akinillu aalajangersaanermi periuseq (isumaqatigiissummut ilanngussaq 1)
3. Angallassinissamik inniminniineq ingerlatsinermilu tapiissutit (isumaqatigiissummut ilanngussaq 2)

Punkt 7: Nuup Bussii A/S - Aningaasaqarnikkut inissisimaneq

Beslutning

Inassuteqaat akuersissutigineqarpoq, ima allannguutitalerlugu: Immikkoortumi ingerlatsinermut tapiissutinut aningaasartaa kalaallisoortaani iluarsineqassaaq.

Nuup Bussii A/S - Aningaasaqarnikkut inissisimaneq

Aalajangiiffigisassaq

SagsID.: EMN-2023-01889

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- Nuup Bussiisa coronamut atatillugu taarsigassai ingerlatseqatigiiffiup nammineq aningaasaataanut ilanngunneqarnissaat akuersissutigineqassasoq
- Nuup Bussiinut ingerlatsinermi tappiissutit 2022-misut annertussuseqaannarnissaat akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliamik saqqummiineq

Nuup Bussiisa suleqatigiinnissaanik isumaqatigiisummik isumaqatiginninniaqqinnermi ingerlatseqatigiiffiup aningaasaqarnera oqaluuserineqarpoq. Tamatuma kingunerisaanik kommunip attaviginissaa siulersuisunit kissaatigineqalerpoq, piffissami aggersumi ingerlatsiviup unammilligassai periarfissaalu pillugit nassuiaanissaq siunertaralugu (ilanngussaq 1 takuuk). Tassani ilaatigut nassuiaatigineqassaaq, taarsigassarsiat 8 mio. koruuninik annertussuseqartut kommunimut taarsersuinissami kingunerisassai, peqatigitillugulu ingerlatsinermi tapiissutit annikillineqarnissaat ingerlatseqatigiiffimmiit naatsorsuutigineqarlutik. Nuup Bussiisa siulersuisut kiisalu pisortaqtigiiit suleqatigalugit allaffeqarfik ima aaqqiissutissatut siunnersuuteqarpoq:

Taarsigassanik nuussineq

2020-mi corona atugaalerpoq, tamannalu tamanik angallassinermik tatisimatitsivoq. Kommune Nuup Bussii suleqatigalugit isumaqatigiippuut bussinik pisinissamut tunngatillugu aningaasaliinissamut pilersaarut isumaqatigiissutaareersoq ingerlatiinnassallugu. Corona pillugu killilersuuteqaraluartoq ingerlatseqatigiiffiup ingerlanneqarneranut ingerlatseqatigiiffimmi aningaasaat tigorianaanaat naammannissaat qulakkeerniarlugu ingerlatseqatigiiffik 2025-mi tamaat akilernerqartussanngorlugu coronamut atatillugu taarsigassanik 8 mio. koruuninik aningaasaliissalluni Kommunalbestyrelse 2020-mi aalajangerpoq

Tamassuma kingorna bussinik taarsiineq kiisalu billetsit akiinik - isertitaviusunik qaffaanissamut killilimmik periarfissaqarneq pissutigalugu ingerlatseqatigiiffik taarsigassat akilernissaannut sipaarniarnermut killilimmik periarfissaqarsimavoq. Tamanna pissutigalugu allaffeqarfik Nuup Bussiini siulittaasut kiisalu pisortaqtigiiit peqatigalugit innersuussutigissavaat coronamut atatillugu taarsigassarsiat ingerlatseqatigiiffiup nammineq aningaasaataanut ilanngunneqassasut.

Ingerlatsineranut tapiissutit attanneqaannarnissaat

Suleqatigiinnissamut isumaqatigiisummi siullermi piumasaqaataavoq billetsit akitsorneratigut ingerlatsineranut aningaasaliineq ukiumut ataasiarluni appartinneqartassasoq. 2023-mi missingersuutit pillugit isumaqatiginninniarnermi Kommunalbestyrelse aalajangerpoq billetsit akikillissasut peqatigitillugulu bussinik ingerlassinerup eqimattat ilaannut akeerutissasoq. Nuup Bussiinut tamanna matussuserneqarpoq, ingerlatseqatigiiffimmi billetsit akitsorneratigut isertitaqarnerunissaq qulakkeerneqarsinnaanngimmat. Taamaattorli piffissami tassani suleqatigiinnissamut isumaqatigiissut tunngavigalugu ingerlatseqatigiiffiup ingerlanneqarneranut tapiissutit apparneqarput. Ingerlatsineranut tapiissutit appariartuinnarnerisa peqatigitillugulu

ingerlatseqatigiiffiup billetsit akitsornissaanut periarfissaqannginnerata Nuup Bussiisa tunngaviusumik isertitaqarnera sanngiillisissavaa
 Allaffeqarfiup Nuup Bussiini siulittaasut kiisalu pisortaqtigiit peqatigalugit innersuussutigerusupaa 2022-mi ingerlatsinermut tapiissutit = 2.067.00 koruunit attanneqassasut.

Ingerlatsivimmit aningaasatigut sulisoqarnikkullu naliliinerit

Taarsigassarsiamik 2025-mi taarseereersimanissaannut kommune missingersuusiornikuunngimmat taarsigassarsiat ingerlatseqatigiiffiup nammineq aningaasaataatut allangortinneqarpata kommunimut aningaasartuutaassanngilaq.

Suliffeqarfimmut Kiffartuussivimmit aningaasatigut naliliineq

Taarsigassarsiap allangortinneqarnissaa Nuup Bussiisa ingerlaannarnissaanut pingaaruteqartuummat aamma kommunip aningaasaqarneranut sunniuteqarnerluttussaangimmat allangortitsinissaq ingerlatsivimmiit pitsaasutut isigineqarpoq. Ingerlatsinermut tapiissutinut tunngatillugu aamma taamatulli 2022-mi ingerlatsinermut tapiissutaasut attatiinnarneqarnissaat kommunip karsimiittuutaanut sunniuteqarnerluutaassanngilaq. Akuerineqarnissaanik inassuteqaatit ingerlatsivimmiit tapersernartinneqarput allamillu oqaaseqaatissaqaratik.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuup piginnittuunermut periusissiaa

Ilanngussat

Soqanngilaq.

Punkt 8: Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Beslutning

Inassuteqaat amerlanerussuteqartunit Inuit Ataqtigiinnit, Demokraatinit aamma Siumukkunnit akuersissutigineqarpoq. Naleraq taaseqataanngilaq.

Bilag

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqquisissut

Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)

Meeqqanut Ilaqtariinnullu Ataatsimiititamiit siunnersuutit

Suliffeqarnermut Isumaginninnermullu Ataatsimiititamiit siunnersuutit

Meeqqanut Atuarfeqarnermullu Ataatsimiititamiit siunnersuutit

Sanarfinermut Avatangiisinullu Ataatsimiititamiit siunnersuutit

Tamanut Kiffartuussivimmit nassuiaat

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Aalajangiiffigisassaq

SagsID.: EMN-2023-02155

Suliffeqarfimmud Kiffartuussivik – kommunaldirektøri Ole Jakobsen / OJAK

Inassuteqaat

Meeqqanut Atuarfeqarnermullu Ataatsimiititaq, Meeqqanut ilaqtariinnullu Ataatsimiititaq, Suliffeqarnermut Isumaginninnermullu Ataatsimiititaq aamma Sanarfinermut Avatangiisinullu Ataatsimiititaq Aningaasaqarnermut Inuusutissarsiornermullu Ataatsimiititamut inassuteqaateqarput:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisalittut aaqquissuussineq akuersissutigineqassasoq
- illoqarfiit pingaarnersaasa marluusut akornanni ataatsimut suliniutissatut siunnersuutit sullarineqassasut
- siunnersuutit Kommunalbestyrelsimut akuersissutigisassanngorlugit ingerlateqqinneqassasut

Suliassamik saqqummiussineq

Aggustip ulluisa 25-anni 2022 Københavns Kommuniani borgerrepræsentationimi aalajangerneqarpoq, Københavni Rådhusalimi Naalagaaffeqatigiinni erfalasut pingasut atorneqartalissasut, erseqqissaatiginiarlugu Naalagaaffeqatigiinnermi nunat naligiissut pingasut imminnut ataqatigiinnerat. Tassunga atatillugu Københavns Kommunimit kissaatigineqarpoq Naalagaaffeqatigiinnermi illoqarfiit pingaarnert pingasut suleqatigiinnissaat annertusarneqassasoq illoqarfittut ikinngutigiiittut suleqatigiinnissamik inaarutaasumik isumaqatigiissuteqarnikkut, Københavns Kommuniata Overborgmesteriata Sophie Hæstorp Andersenip Borgmesterimut Avaraaq Olsenimut pisortatigoortumik qaaqusissutaa innersuussutigalugu (takuuk Ilanngussaq 1).

Kissaatigineqarpoq, illoqarfiit pingaarnert pingasut suleqatigiinnerisa annertusarneqarneratigut illoqarfiit iluaquserneqassasut kulturikkut isumassarsioqatigiittarnikkut, pigiliutiinnakkanik annikillisaanikkut, ilisimasanik avitseqatigiinnikkut aammalu ataatsimoortumik piujuartitsinermik ineriartortitsinikkut. Tamanna pissaaq illoqarfiit pingaarnert akimorlugit suliniutinik eqqarsaqatigiinnikkut.

Københavns Kommuniani sulianut ingerlatsiviit suleqatigiinnissamat suliniutissat pillugit siunnersuusiorsimapput suliassaqarfiit arlallit akimorlugit, taakkulu politikikkut sulianut tunngasuni ataatsimiititaliani akuersissutigineqarsimapput (takuuk Ilanngussaq 2). Taamatuttaaq Kommuneqarfik Sermersuumi politikikkut ataatsimiititat ataavartut suleqatigiinnermi suliniutissatut siunnersuutinik allanik, suliassaqarfimminnut tunngasunik, suliqaqquneqarput. Siunnersuutit taakku illoqarfiit pingaarnersaasa marluusut akornanni ilisimasanik piginnaasanillu avitseqatigiinnermit periarfissaasinnaasunik atorluaanissamik tunngaveqarluni pisariaqartitsinermi kissaateqarnermilluunniit tunngaveqarsinnaapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Nuuk - Issittumi Illoqarfiit Pingaarnersaat Nuuk pillugu Illoqarfiit Pingaarnersaattut Periusissiaq

Siusinnerusukkut aalajangiinerit

Kommunalbestyrelsi, 23.05.23:

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq

Inassuteqaat itigartitsissutigineqarpoq. Saaffiginnissut ataatsimiititani tamani suliarineqassasoq Kommunalbestyrelsimut aalajangiiffigineqarpoq, taamatuttaaq kingusinnerusukkut Illoqarfittut ikinngutigiiittut suleqatigiinnerup imarisassaa suleqatigiinnerullu malittarisassiornissaa Kommunalbestyrelsip isummerfigiumaaraa aalajangiiffigineqarluni.

Meeqqanut Atuarfeqarnermullu Ataatsimiititaq, 02.08.23:

Inassuteqaat kinguartinneqarpoq imatut oqaaseqaatitalerlugu:

Meeqqanut Atuarfeqarnermullu Ingerlatsivimmi Københavnullu Kommuneaniit suleqatigiiffigineqarsinnaasut ersarissarneqarnissaat kissaatigineqarpoq.

Meeqqanut Ilaqutariinnullu Ataatsimiititaq, 03.08.23:

Inassuteqaat akuersissutigineqarpoq.

Sanarfinermut Avatangiisinullu Ataatsimiititaq, 10.08.23:

Suliaq kinguartinneqarpoq. Ingerlatsivik qinnuigineqarpoq suleqatigiissutissatut suut periarfissaanerini siunnersuusioqqullugu.

Suliffeqarnermut Isumaginninnermullu Ataatsimiititaq, 14.08.23:

Inassuteqaat akuersissutigineqarpoq imatut oqaaseqaatitalerlugu:

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqarpoq.

Meeqqanut Atuarfeqarnermullu Ataatsimiititaq, 06.09.23:

Inassuteqaat akuersissutigineqarpoq.

Suliffeqarnermut Isumaginninnermullu Ataatsimiititaq, 12.09.23:

Inassuteqaat akuersissutigineqarpoq.

Meeqqanut Ilaqutariinnullu Ataatsimiititaq, 14.09.23:

Inassuteqaat akuersissutigineqarpoq.

Sanarfinermut Avatangiisinullu Ataatsimiititaq, 18.09.23:

Inassuteqaat akuersissutigineqarpoq.

Ilanngussat

1. Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqusissut
2. Suleqatigiiffiqarsinnaasut pillugit allattukkat sulianut ataatsimiititalianit akuerisat (Københavns Kommune)
3. Meeqqanut Ilaqutariinnullu Ataatsimiititamit siunnersuutit
4. Suliffeqarnermut Isumaginninnermullu Ataatsimiititamit siunnersuutit
5. Meeqqanut Atuarfeqarnermullu Ataatsimiititamit siunnersuutit
6. Sanarfinermut Avatangiisinullu Ataatsimiititamit siunnersuutit
7. Tamanut Kiffartuussivimmit nassuiaat

Punkt 9: Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2024-2027

Beslutning

Inassuteqaat akuersissutigineqarpoq.

Bilag

Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027

Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027 – paasissutissat kingulliit ilanngullugit



Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2024-2027

Aalajangiiffigisassaq

SagsID.: EMN-2022-09300

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut akuerineqassasoq
- suliaq Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq

Suliamik saqqummiineq

Qinigaaffik 2022-2025-mi IA-p aamma Naleqqap akornanni suleqatigiinnissamik isumaqatigiissutaanni allassimavoq, GIF-ip (Kalaallit Nunaanni Timersoqatigiit Kattuffiata) nunarsuarmi tamani timimik aalatitsinerpaatut anguniagaqarnera partiit isumaqatigiissuteqartut sulissutigiumavaat. Taamaattumik GIF-ip takorluugaa ulluunerani paaqqinnittarfinnut, atuarfinnut aammalu ulluinnarni inuunermit ilanngullugu eqqarsaatigineqassaaq. Kommuneqarfik Sermersooq aamma GIF kommunimi innuttaasut eqeersimaartumik pitsaasumillu inuuneqarnissaannik qulakkeerinninnissaq siunertaralugu pisussaaffilimmik suleqatigiinnissamik kissaateqarput.

Meeqqanut Atuarfeqarnermullu Ingerlatsivik aamma Timersoqatigiit Kattuffiat tamanna tunngavigalugu ukiunut 2024-2027-mut suleqatigiinnissamik isumaqatigiissuteqarput isumaqatigiinnerup sivitsorneqarnissaa periarfissaritillugu.

Suleqatigiinnissamik isumaqatigiissut tulluittunik siunertaqarpoq:

- 1) innuttaasut amerlanerusut timiminnik aalatitsisarnissaat annermillu meeqqat inuusuttullu amerlanerit eqeersimaartunik ataatsimoorfeqarnissaat – inuuniarnermikkut tunuliaqutaat, innarluutaat, suaassusaat najugaqarfiilu apeqqutaatinnagit – qulakkeerneqassasoq
- 2) Kommuneqarfik Sermersooq sunngiffimmi inuunermit peqqinnartumik eqeersimaartumillu, innuttaasut pillugit najukkami pissutsinut naleqqussagaasumik ilisarnaateqalernissaanut tapeeqataassaaq
- 3) Kommuneqarfik Sermersuumi meeqqerivinni, atuarfinni, AKO-ni klubbinilu meeqqat inuusuttullu ulluinnarni timimik aalatitsinerup atugarissaarnerullu nalinginnaasunngornissaannik qulakkeerinninnissaq

Suliassaqarfinni toqqakkani qitiutinneqartuni pingasuusuni suleqatigiinneq aallaaveqarpoq:

- 1) Meeqqat, Inuusuttut Aalanerlu
- 2) Peqqinnartumik eqeersimaartumillu peqatigiiffilerineq
- 3) Atortorissaarutit aalanerulersitsisut

Qitiutinneqartuni tamani suleqatigiinnissamik isumaqatigiissummi suliniutissat erseqqissut arlaqartut allaaserineqarput Kommuneqarfik Sermersuup aamma Timersoqatigiit Kattuffiata akornanni suleqatigiissutigineqarsinnaasut kissaatigineqartullu.



Kommune aamma Timersoqatigiit Kattuffiata eqqummaariffivaat, siunissami suliniutit tamakkua allangortinneqarnissaat pisariaqarsinnaassasoq, paasinarsippat iluarsissuteqartoqarnissaanik pisariaqartinneqartoq. Taamaattumik suleqatigiinnissamik isumaqatigiissut allagaatitut allangorartussatut, Kommuneqarfik Sermersuumi innuttaasunut timersortarnissamut ataatsimoorfeqarnissamullu pitsaanerpaamik naatsorsuuteqarsinnaanissamut ataatsimut anguniagaqarnermut tunngasutut isigineqassaaq.

Suleqatigiinnissamik isumaqatigiissummi suliniutit ingerlanneqarnissaat qulakkeerniarlugu suliniutinut suliaqartussanik pilersitsisoqarpoq, Meeqqanut Atuarfeqarnermullu Ingerlatsivimmit toqqarneqartumit suliniutinut aqutsisumit aqunneqartumik. Meeqqanut Atuarfeqarnermullu Ingerlatsivimmit suliniutinut suliaqartussat inuttaqartinneqarput, aqutsisup saniatigut, tassaallutik Sammisassaqartitsinermit Fagcheffi aammalu Ineriartortitsinermit cheffi, taavalu Timersoqatigiit Kattuffiannit aallartitaq ataaseq.

Qitiutinneqartutut toqqakkanut tamanut suliamut ataqatigiissaarisumik toqqaasoqassaaq, tassanilu Meeqqanut Atuarfeqarnermullu Ingerlatsivik sulianut ataqatigiissaarisunik marlunnik toqqaassaaq, taavalu Timersoqatigiit Kattuffiata pingajuat toqqassavaa. Qitiutinneqartut tamakkerlugit sulinissamut atatillugu suleqatigiittussanik pilersitsisoqassaaq, taakkunani Meeqqanut Atuarfeqarnermullu Ingerlatsivimmi, Timersoqatigiit Kattuffianni suleqatigisanilu allani attuumassuteqartuni suliassanik ilisimaarinnittut inuttaritinneqassallutik.

Qitiutinneqartunik sulineq allaffissornermi aqutsisoqatigiinnit aqunneqassaaq, taakkunani inuttaassallutik Meeqqanut Atuarfeqarnermullu Ingerlatsivimmi pisortaq aammalu Timersoqatigiit Kattuffianni Allattaaneq. Allaffissornermi aqutsisoqatigiit Meeqqanut Atuarfeqarnermullu Ataatsimiititamut atapput aammalu Timersoqatigiit Kattuffianni siulersuisunut, ataavartumillu suleqatigiinnissamik isumaqatigiissummi suliniutissanik suliaqarneq pillugu killiffik ilisimatitsissutigisassallugu.

Ingerlatsivimmit aningaasatigut sulisoqarnikkullu naliliinerit

Timersoqatigiit Kattuffiata aamma Meeqqanut Atuarfeqarnermullu Ingerlatsiviup suleqatigiinnissamik isumaqatigiissummi suliniutit assigiinngitsut aningaasaliiffigineqarnissaanik qulakkeerinninnissaq ataatsimut sulissutigineqassaaq. Sulinermit aningaasartuutissat Meeqqanut Atuarfeqarnermullu Ingerlatsivimmi aamma Timersoqatigiit Kattuffiata ingerlatsinermit missingersuutaasa iluanni inissaqartinneqassasut ilimagineqarpoq. Tamanna pisinnaangippat, pisariaqassaaq aningaasaateqarfinnut qinnuteqarnissaq imaluunniit Kommuneqarfik Sermersuumi Timersoqatigiillu Kattuffiata ukiumoortumik missingersuusiorterannut atatillugu aningaasaliiffigineqarqinnissaq qinnutigineqartassaaq.

Suliffeqarfimmut Kiffartuussivimmit aningaasatigut naliliineq

2024-2027-mut suleqatigiinnissamik isumaqatigiissummi ilanngussaq 1-imi ima allassimasoqarpoq: *"Suleqatigiinnissamik isumaqatigiissummi suliniutit Kalaallit Nunaanni Timersoqatigiit Kattuffiata Kommuneqarfik Sermersuullu missingersuutaasa iluini piviusunngortinneqarsinnaanngikkaangata, Kommuneqarfik Sermersuumi ukiumoortumik missingersuusiorterannut atatillugu aningaasaateqarfinnit aningaasaliissutinik imaluunniit aningaasaliissuteqaqqittoqarnissaanik qinnuteqartoqartassaaq. Matumani aalajangiisinnaatitaaneq Kommunalbestyrelsimiippoq. Kalaallit Nunaanni Timersoqatigiit Kattuffiata Kommuneqarfik Sermersuullu suleqatigiinnissamik isumaqatigiissummi suliniutit assigiinngitsut aningaasaliiffigineqarnissaanik qulakkeerinninnissaq ataatsimut sulissutigissavaat."*

Suliffeqarfimmut Kiffartuussivik allanik oqaaseqaatissaqanngilaq.



Inatsisitigut tunngavissaq allakkallu tunngaviusumik uppersaatillit

- Inuit Ataqaatigiit aamma Naleqqap akornanni Kommuneqarfik Sermersuumi kommunalbestyrelsimi 2022-mit 2025-mut suleqatigiinnissamik isumaqatigiissutaat

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 06.09.23:d

Inassuteqaat akuersissutigineqarpoq.

Ilanngussat

1. Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027
2. Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027 – paasisutissat kingulliit ilanngullugit

Punkt 10: Ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarnera

Beslutning

Inassuteqaat akuersissutigineqarpoq.

Bilag

Ukioq atuarfiusoq 2023/2024-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarannut takussutissiaq



Ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarnera

Aalajangiiffigisassaq

SagsID.: EMN-2023-03300

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- ukiumut atuarfiusumut 2023/2024-mut atuarfinni akunnerit atuartitsissutissat katinnerat akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Atuarfimmu tunngasunik ilinniartitsisunik pisariaqartitsinerup misissoqqissaarnerani najoqqutarineqarpoq atuarfiit ukiumi atuarfiusussami tullermi atuartitsinermik ingerlatsinermi sinaakkutissaq tamakkiisoq. Tamanna tunngavigalugu ukiumi atuarfiusumi tullermi tiiminik atuineq tamakkiisoq oqaatigineqarsinnaavoq, qanorlu amerlatigisunik ilinniartitsisoqarnerasoq atuartitsinermik tamakkiisumik naammassinninnissamut pisariaqartunik. Ilinniartitsisunik pisariaqartitsinerup misissuiffigeqqissaarnerata aamma takutippaa ukiumi atuarfiusumi tullermi ilinniartitsisut piffissaq suliffigisassaak kiisalu ataasiakkaatut suliassaak aamma suliassaak nalinginnaasut. Peqatigitillugu atuarfinni tamani atualertussat aammalu atuarfinni tamani atuaqatigiit amerlassusissaak aamma oqaatigineqarsinnaapput kiisalu immikkut atuartitsiviusussat qanoq amerlatigisut pilersinneqassanersut. Naggataagut ilinniartitsisunik pisariaqartitsinerup misissuiffigeqqissaarnera atuarfimmu ingerlatsinermi aningaasaliisarnerup ingerlatiinnarnissaanut aalajangiisuussaaq. Ilinniartitsisunik pisariaqartitsinerup misissuiffigeqqissaarnera Nuna tamakkerlugu inatsisitigut, piffissaq suliffiusussaq pillugu isumaqatigiissut, kommunip atuarfimmu tunngasunik kiffartuussinerata qaffasissusaanut pituttugaavoq.

Ukiup naatsorsuorsiorfiusup nutaap aallartinnerani ukiup atuarfiusup tulliaata aallartinnissaanut pilersaarusiorluni suliaqarneq, ukiumi atuarfiusumi tulliusumi tiimit agguataarnissaat ingerlatsivimmit siunnersuut nalunaarutigineqassaaq. Tamanna siunnersuut tunngaveqarpoq atuartut siunissami amerlassusissaannik tiguisarnermi naatsorsuineq kiisalu qitiusumik suliffissaq pillugu isumaqatigiissutinik tunngaveqarluni. Tamatuma kingornagut atuarfiit ingerlatsivimmut utertitsisarput ilaatigut oqaaseqaateqarlutik, kissaateqarlutik aaqqiissuteqarlutillu. Ilinniartitsisunik pisariaqartitsinerup misissuiffigeqqissaarnerata inaarutaasumik suliarineqarnera naammassippat, atuarfiit ukiumut atuarfiusumut tullermu atatillugu atuartitsissutinik agguataarineq, sammisassanik pilersaarutit skemaliornerlu suliarylugu timitalersussavaat. Ilinniartitsisunik pisariaqartitsinerup misissuiffigeqqissaarnerata saniatigut aamma ukiumut tulluuttumut immikkut atuartitsinissaq pilersaarusiorneqartarpoq.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortap ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarneranut suliaq naammasseqqammerpaa.

Ilinniartitsisunik pisariaqartitsinerup misissuiffigeqqissaarnerata naatsorsorneqarnera tunngavigalugu ukioq atuarfiusussaq tulleeq ingerlatsivimmit nalilerneqarpoq, kommunimi illoqarfinni nunaqarfinnilu atuarfinni 16-ini atuartut katillugit 3.035-t aallartissasut. Tamanna ukiumit kingullermiit 31-nik atuartoqarneruvoq. Atuartut amerlassusissaasa katinneranni atuartut 225-t



immikkut atuartinneqassapput. Ukiumut atuarfusumut kingullermut naleqqiullugu atuartut 13-nik ikinnerupput. Klassit 155-t pilersinneqarnissaat naatsorsuutigineqarpoq, ukiup atuarfusup siulianit marlunnit amerlanerullutik. Tassunga ilanngullugu immikkut atuartitsinermi klassit 37-t pilersinneqarnissaat naatsorsuutigineqarpoq. Ukiumi atuarfusumi kingullermut sanilliullugu klassimik ataatsimik ilassapput.

Atuarfinni akunnerit atorneqartussat katillugit 814.860 tiimiussasut naatsorsuutigineqarpoq. Ukiup atuarfusup siulianit 6.603 tiiminik amerlanerullutik. Naatsorsoraanni ilinniartitsisut atorfiisa 387-t amerlaqatigaat. Ukiumut atuarfusumut kingullermut sanilliullugu ilinniartitsisut atorfiit tallimanik amerlanerupput. Ukiumi atuarfusumi tullermi, akunnerit toqqaannartumik atuartitsissutissat katillugit 225.242-upput, taakkulu akunnerit atuarfinni atuartitsissutissat katillugit atorneqartunut 27%-ippup. Toqqaannartumik atuartitsinerit saniatigut, tiimit tunniunneqartartut immikkut ittunut suliassanut tunniunneqartartut; soorlu pikkorissarnerit, klassimi aqutsisunut siunnersortinut, atuartitsissutinut siunnersuineq, sulisunut sinniisutut suliassat, atuarfimmi aqutsineq, ferie aammalu nalliuttunut kiisalu najukkami ingerlanneqartut atuartitsinermi atuarfimmilu sammisassat allat, tiiminik aamma atuiiffusarput.

Ingerlatsivimmit aningaasatigut sulisoqarnikkullu naliliinerit

Ukiumut atuarfusumut 2023/2024-mut ilinniartitsisunik pisariaqartitsinerup misissuiffigeqqissaarnera tunngavigalugu Meeqqanut Atuarfeqarnermullu Ingerlatsiviup nalilerpaa, atuarfeqarnermut tunngasunut ilinniartitsisunut tallimanut amerlanerusunut aningaasaliisoqaqqissasoq, ukiup atuarfusup siuliani ilinniartitsisut amerlassusii missingersornerani 382-mata ukiullu atuarfusup 2023/24 missingersornerani ilinniartitsisut 387-llutik. Ilinniartitsisunik amerlanerusunik pisariaqartitsinerup pequtaavoq atuartut amerlinerat, taamaalillunilu klassinik marlunnik kiisalu immikkut atuartitsivimmik ataatsimik pilersitsisariaqarneq. Aningaasarsiat ilinniartitsisunut tallimanut 2,5 mio. kr. ukiormut naleqarput. Ingerlatsivimmit nalilerneqarpoq ukioq manna sinaakkutaasut iluaniissinnaassasut. Ingerlatsivik budgetimut isumaqatigiinniarnermut 2024-mut aningaasartuutit pisariaqartitat matussusernissaannut qinnuteqassaaq.

Suliffeqarfimmut Kiffartuussivimmit aningaasatigut naliliineq.

Budgetimut isumaqatigiinniarnermut 2024-mut aningaasartuutit pisariaqartitat matussusernissaannut qinnuteqartoqassaaq, Suliffeqarfimmut Kiffartuussivik allamik oqaaseqaatissaqanngilaq.

Inatsisitigut tunngavissaq allakkallu tunngaviusumik uppernarsaatitallit

- Atuarfik pillugu inatsisartut inatsisissaattut siunnersuut nr.15, 3.December 2012-imeersoq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr.21, 8.december 2017-imeersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Kalaallit Nunaanni meeqqat atuarfianni ilinniartitsisut il.il. akunnernut suliffissaannut isumaqatigiissut

Siusinnerusukku aalajangiinerit

Meeqqanut Atuarfeqarnermullu Ataatsimiititaq, 06.09.23:

Inassuteqaat akuersissutigineqarpoq.



Ilanngussat

1. Ukioq atuarfiusoq 2023/2024-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq

Punkt 11: Kommunitut pilersaarummut tapiliussap 4C7-1 Unaaq, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq

Kommunitut pilersaarummut tapiliussaq 4C7-1 Unaaq Nuuk



Kommunimut pilersaarummut tapiliussap 4C7-1 Unaaq, Nuuk inaarutaasumik akuersissutigineqarnera

Aalajangiiffigisassaq

SagsID.: EMN-2023-00043

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussap 4C7-1 Unaaq, Nuuk akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinnekassasoq

Suliamik saqqummiineq

Sanarfinermut Avatangiisinullu Ingerlatsivimmit kommunimut pilersaarummut tapiliussap 4C7-1 Unaaq, Nuuk matumuuna saqqummiunneqarpoq. Kommunimut pilersaarummut tapiliussap 4C7-1 Unaaq siunnersuutitut sapaatip-akunnerini arfineq-pingasuni tamanut tusarniaassutigineqarnikuvoq, piffissami juulip 5-ianiit aggustip ulluisa 30-nut 2023. Piffissami tusarniaaffiusumi tusarniaanermut akissuteqaatinik tigusaqartoqanngilaq, suliffeqarfimmiilli aaqqitassanik aaqqiissuteqartoqarpoq. Tamanna ilanngussaq 1-imi takuneqarsinnaavoq.

Kommunimut pilersaarummut tapiliussap pilersarusiornermut siunnersuut Unaaq – Qinngutsinni nutaamik inissialiornissaq, piffissami 02. marsi – 27. aprili 2022-mi tamanut tusarniaassutigineqartoq kommunalbestyrelsimillu 30. aggusti 2022 akuersissutigineqartoq, tungavagalugu suliarineqarpoq.

Matumani kommunimut pilersaarummut tapiliussami immikkoortoq C nutaaq, Nuummi Qinngutsinni inissianut inuussutissarsiutinullu mingutsitsisuunngitsunut, atugassiissutigineqarpoq. Immikkoortoq illoqarfiup qeqqa pioreersoq nangillugu atugassiissutigineqarpoq, tassangaanniillu inissiaqarfiillu Suloraq, Pinguaq aamma Igimaq akornanni ikaarsaarfittut pilersinneqarpoq.

Aqqusineq pioreersukkut Unaakkut immikkoortumut aqquteqassaaq, taanna pilersaarummik ineriartortitsinissamat periarfissiinissamat avammut tallineqassamat.

Sanaartorfissat katillugit tallimat atugassiissutigineqassapput, quleriit assigiinngitsuussallutik sisamaniit arfinilinnut. Sanaartorfissami immikkut ataatsimik illuliortoqarsinnaavoq, taakkulu pingasunik ataatsimut sanaartukkanik illutaqassapput. Illuni init quleriit allersaat 50%-imik ammasutut sanaartorneqassapput, illup silataanik matuneqassanngillat. Taamaalilluni nunataatigut angallattoqarsinnaalissaaq, biilit unittarfiinik qulisanik sanaartortoqarsinnaalissaaq ilaallu ilanngullugit.

Illuliornikkut inissianik ataasiakkaanik 100-nik kiisalu inuussutissarsiornissamat periarfissanik arlalinnik, inissialiornermut ataqatigiissarsinnaasunik, sanaartornissamat periarfissaqalissaaq. Matumani inuussutissarsiutit mingutsitsisuunngitsut nipiliorfiunngitsullu pineqarput. Cafeqassappat/neriniartarfeqassappat unnuami nipiliorfiussanngillat.

Pilersaarutip ilaatut qaqqajunnakkut aqqusineeraliortoqarsinnaavoq, taamaasilluni Suloqqap Igimallu akornatigut aqquteqalissaaq. Silami sukisaarsaartarfiit amerlanerusut pilersinneqassapputaaq, tassunga ilanngullugit pinnguartarfiit, uninngaartarfiit ilaallu ilanngullugit.



Kommunimut pilersaarummut tapiliussassatut siunnersuummik 4C7-1-imik akuersinikkut kommunimut pilersaarummut tapiliussani 4A4 - 2, 4A5-2/4A5 - 3 aamma 4C6 - 1 immikkoortumut aalajangersakkat allassimasut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matuminnga kommunimut pilersaarummut tapiliussassaliorneq pilersaarummik piginnittumit isumagineqarpoq. Ingerlatsivimmit pitsaassutsimik qulakkeerinnineq, siunersieqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Kommunimut pilersaarummut tapiliussa 4C7-1 Unaaq Nuuk

Punkt 12: 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut inaarutaasumik akuersissutigineqarnerat

Beslutning

Inassuteqaat akuersissutigineqarpoq.

Bilag

Immikkoortup ilaa 30D6-imut Naasuliartarpi/Blomsterdalen, Tasiilaq, pingaarnertut aalajangersakkat nutaat

30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut inaarutaasumik akuersissutigineqarnerat

Aalajangiiffigisassaq

SagsID.: EMN-2023-01842

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- Tasiilami immikkoortup ilaa 30D6-imut Naasuliartarpi/Blomsterdalen pingaarnertut aalajangersakkat akuersissutigineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasooq

Suliamik saqqummiineq

Sanarfinermut Avatangiisinullu Ingerlatsiviup immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkat nutaat matumuuna saqqummiuppai. 30D6-imut Naalusilartarpi/Blomsterdalen aalajangersakkat siunnersuutitut sapaatit akunnerini arfineq-pingasuni tamanut tusarniaassutigineqarput, piffissami 2023-mi juulip ulluisa 5-ianniit aggustip ulluisa 30-ata tungaanut. Tusarniaanermut killiliussap iluani akissutinik tigusaqartoqanngilaq.

Immikkoortup ilaa ullumikkut sanaartorfioqqusaanngitsutut, sukisaarsarfittut immikkoortut toqqagaavoq atorneqarnissaa pinngortitaassutsimisut ittuussasoq aalajangersagaalluni. Immikkoortumi 3-nik illoqarpoq, tamarmik kuup qanittuani inissisimapput, taamaalillunilu illoqarfittut inissisimavoq. Pingaarnertut aalajangersakkat nutaat pillugit siunnersuummi immikkoortoq sukisaarsarfissatut aalajangersimaneqaannarpoq, kisianni periarfissiisoqarpoq illut pioreersut allanngortinneqarsinnaaneritut, tassunga ilanngullugu akunnittarfittut siunertalinnut. Ullumikkut Kommunitum pilersaarummi, immikkut pisoqartillugu, immikkoortoq D-mi akunnittarfiliorsinnaaneq illuaralorsinnaanerlu periarfissaavoq, immikkoortullu ilaata pingaarnertut aalajangersagartaanik allanngineq taamaalilluni naapertuutilissaaq.

Sumiiffimmi illut pioreersut ilaat ullumikkut nungullarsimapput atorneqaratillu. Illuutigineqartut siunertanut allanut atorneqartussanngorlugit allanngortinneqarnerisigut sumiiffiup sukisaarsarfissatut naleqarnera qaffatsinneqassaaq aammalu suliffinnik isumalinnik pilersitsinissaq annertusaaqataaaffigissallugu.

Aalajangersakkat nutaat naapertorlugittaaq sukisaarsaarnermut ilagitillugit sanaartukkat pingaanginnerit naleqquttuusinnaapput, naatsiviit, ikaat, qimminut illuaqqat assigisaallu, sukisaarsartarfittut siunertanut ilaatinneqartut.

Aalajangersakkat nutaat akuersissutigineqarnerisigut aalajangersagaareersut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkat nutaat siunnersuusiorneqarnerat pilersaarusionermut immikkoortoqarfiup pilersaarutaasumik ingerlatsineranut ilaavoq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartillit

- Pilersarusiorneq aamma nunaminertat atornerartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Ilanngussat

1. Immikkoortup ilaa 30D6-imut Naasuliartarpi/Blomsterdalen, Tasiilaq, pingaarnertut aalajangersakkat nutaat

Punkt 13: 2023-mut Pilersaarusiornermut Periusissap inaarutaasumik akuerineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Pilersaarusiornerni periusissiaq 2023 – Sermersooq, najugaqarfigalugu pitsaasoq, akuerineqassasoq

Tunngaviusumik nalunaarut



2023-mut Pilersaarusionermut Periusissap inaarutaasumik akuerineqarnera

Sermersooq, najugaqarfigissallugu pitsaasoq

Aalajangiiffigisassaq

SagsID.: EMN-2022-01694

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsionermullu Ataatsimiititamut inassuteqaatigaa:

- Pilersaarusionerni periusissiaq 2023 – Sermersooq, najugaqarfigalugu pitsaasoq, akuerineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliamik saqqummiineq

Matumuuna Sanarfinermut Avatangiisinullu Ingerlatsiviup 2023-mi Pilersaarusionermi periusissiaq saqqummiuppaa – Sermersooq, najugaqarfigissallugu pitsaasoq. Pilersaarusionermut periusissiaq siunnersuutitut sapaatip-akunnerini qulini piffissami 24. maaji - 2. agusti 2023-mi, tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit tiguneqarput, taakkulu oqaaseqatigiinnik annikitsunik allannguuteqartitsinermik kinguneqarpoq. Tassani ataasiakkaanik kingunerisassanik iluarsaassisoqassaaq, tassunga ilanngullugu innuttaasut amerlassusaannik kiisalu sumiiffinni assigiinngitsuni procentikkaartumik qaffariaatinik/appariaatinik nutarterisoqassaaq.

Pilersaarusionermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2023-imi apriliip qiteqqunnerani) Pilersaarusionermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusionermi suut qitiutinneqassanersut.

Pilersaarusionermut periusissiami allaaserineqassapput, pilersaarusionermut periusissiap kingullermik nutarterneqarneraniilli susoqarsimanersoq aammalu ukiuni sisamani tulliuuttuni kommunalbestyrelse sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq
2. kommunimut pilersaarummi sammisami ataatsimi amerlanerusuniluunniit iluarsaassisoqassasoq
3. kommunip nunataani sumiiffiit ilaannut iluarsaassisoqassasoq, imaluunniit
4. kommunimut pilersaarut ukiuni sisamani atuuttussanngorlugu nutaamik akuerineqassasoq

Ingerlatsivimmit pilersaarusionermut periusissami uani innersuutigineqarpoq kommunimut pilersaarummi sammisami ataatsimi amerlanerusuniluunniit iluarsaassisoqarnissaa akuersissutigeqqullugu.

Kommunalbestyrelsip 2022-imi novembarip ulluisa 28-anni ataatsimiinnerani workshopertitsisoqarpoq, tassanilu pilersaarusionermut periusissiaq ingerlatsivimmit



saqqummiunneqarpoq, tassanilu isumassarsiortoqarlunilu anguniagassanik nutaanik siunnersuusiortoqarpoq. Taakku pilersaarusiornermut periusissiami matumani ilanngunneqarput.

Aaqqiissutissatut siunnersuut – suliatigut naliliineq

Pilersaarusiornermut periusissiaq 2023 – Sermersooq, najugaqarfīgissallugu pitsaasoq piujuartitsisumik ineriartortitsinermi pingasuusunik tunngaveqarpoq tassaasut, aningaasaqarnikkut, inooqatitaanikkut avatangiisitigullu piujuartitsineq. Kommunitum pilersaarutip iluarsaateqqinnissaanut siunnersuutit taakku pingasuusut pingaarnertut naleqartitatut siunnersuutigineqarput.

Pingaarnertut naleqartitat ingerlatsinissami qitiutinneqartussat arfiniliusut makkuupput:

1. Tamanut inissiat pitsaasut
2. Meeqqat inuusuttullu inuunerat pitsaasoq
3. Sullivimmi avatangiisit pitsaasut
4. Sunngiffimmi inuuneq pitsaasoq
5. Attaveqaatit pitsaasut
6. Ataatsimoorfiusut pitsaasut

Qitiutillugit suliaqarfissat ataasiakkaat tamarmik siunertani iliuutsinilu uuttorneqarsinnaasumik piviusunngortinneqassapput. Taamaasilluni pilersaarusiornermut periusissiaq siunissami suliaasaqarfinni qitiutitani ataasiakkaani siuarsaanermi uuttortaanissamut tunngavissiissaaq.

Anguniakkat iliuuserisassallu Naalagaaffiit Peqatigiit nunarsuarmi anguniagaanut tunngatitaapput, taamaalilluni Kommuneqarfik Sermersuumi qanoq piujuartitsinermit suliaqartarnerput minnerunngitsumillu siuariaataasunik angusaqartarsimanitta uuttorneqartarnissaanut takussutissiamik pilersitseqqittoqassaaq.

Pilersaarusiornermut Periusissiami Nunarsuaq tamakkerlugu anguniakkanut ukununga malitaqarpoq:

3. Peqqissuseq atugarissaarnerlu
4. Ilinniartitaaneq pitsaassusilik
5. Suaassutsit akornanni naligiinneq
6. Imaq minguitsoq atortulersuutillu
7. Nukissiutit ataavartut
8. Suliffiit pitsaasut aningaasaqarnerlu inerikkiartortoq
10. Naligiinnginneq annikinnerusoq
- 11: Illoqarfiit inuiaqatigiillu piujuartitsiffiusut
12. Akisussaasumik atuineq tunisassiornerlu
16. Eqqissineq, naapertuilluarneq sullissiviillu patajaatsut
17. Suleqatigiinnikkut anguniagaqarneq

Tunngaviusumik nalunaarusiaq sularineqartareerpoq, tassani pilersaarusiornermut periusissap qanoq sularineqarnera allaaserineqarluni. Tunngaviusumik nalunaarusiattaq imarivaa immikkoortut inatsisinik tunngavillit, tassani ilaapput:

- Kommunitum pilersaarutip nutarterneqarnerata kingulliup killiffia
- siunissami ineriartortitsinissamut apeqqtut pingaarnertit allaaserineri



- periusissiami nutaami kingornagullu kommunimut pilersaarummi sammineqartussat nutaat pillugit innersuussut

Ingerlatsiviup Pilersaarusionermut periusissiaq 2023 atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulineri atugassatut tigussaasutut atorineqartussamik. Allatut oqaatigalugu allaaserisaq tassaassaaq, kommunip sumut ingerlaniarneranik pilertortumik nassaassaarfusooq, taamaalillunilu siunissami immikkoortunut pilersaarusionermi tunngaviliisuusussaalluni.

Kommunalbestyrelsip suleqatigiinnissamik isumaqatigiissutaani (Kommuneqarfik Sermersooq - kommune illoqarfittut pingaarnersaq siuariartorfusooq) kommune sulii assigiinngisitaarnermut inissaqartitsinera pingaartinneqassaaq, kikkulluunniit tikilluaqqusaasutut misigissapput taamaasilluni ilaqutariit ilusilersugaanerani inuillu ukiui apeqqutaatinnagit tikilluaqqusaallutik. Kommuneqarfik Sermersooq najugaqarfittut tamanut pitsaasuusaaq

Kommunimut pilersaarummi digitaaliusumi Sermersooq2032.www.kp.sermersooq.gl-imi Kommuneqarfik Sermersooq pitsaasumik pilersaarusionermut sakkussaqarpoq, kommunip pingaarnertut ineriartornissaanut ikorfartuutaasumik.

Taamaattumik Sanarfinermut Avatangiisinullu Ingerlatsiviup ataatsimiititamut innersuussutigaa, qitiutitassat nutaat kommunimut pilersaarummi periusissiami ineriartortitsinissamut ilanngunneqassasut aammalu Nutarternissaanik aalajangernissami allaaserineqartutuut kommunimut pilersaarummi suliniutigineqartussat ilaasa nutarterni kisimik suliarineqassasut. Aallunniagassatut suliniutissatut nutaatut siunnersuutigineqartut immikkoortut killilersukkanut ataasiakkaatut pilersaarutiniit kommune tamakkerlugu periusissiornermi pilersaarusionermut tunngasuupput. Arlaqartut ingerlatsiviit arlallit suleqatigiissinnerisigut suliarineqassapput, ilaallu Sanarfinermut Avatangiisinullu Ingerlatsivimmi tunngaviligaallutik.

Ingerlariaqqinnissaq

Matumani Pilersaarusionermut periusissiaq 2023 Sermersooq, najugaqarfigissallugu pitsaasoq inaarutaasumik akuersissutigineqarpat Pilersaarusionermut periusissiaq P18 kiisalu Nunarsuarmi piujuartitsinermut ineriartortitsinermullu periusissiaq atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Pilersaarusionermut periusissiap suliarineqarnera ingerlatsiviup pilersaarutaasa ataavartut ilagivaat aammalu ukiut marluk nalingisa missaani suliaalluni.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusooq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.



Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Pilersaarusiornerni periusissiaq 2023 – Sermersooq, najugaqarfigalugu pitsaasoq, akuerineqassasoq
4. Tunngaviusumik nalunaarut

Punkt 14: Tasiilami B-51-mik nutaamik inissiineq

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Inissiffissatut siunnersuutigineqartoq

Tasiilami B-51-mik nutaamik inissiineq

Aalajangiiffigisassaq

SagsID.: EMN-2022-01590

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu

Ataatsimiititamut inassuteqaatigaa:

- B-51-ip iluarsaanneqarneranut atatillugu nutaamut inissinneqarnissaanut sanaartorfissamik nutaamik siunnersuut akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup illup eqqissimatitap B-51-ip iluarsaanneqarneranut atatillugu nuunneqarnissaanut siunnersuut, matumuuna saqqummiuppaa. Siunnersuummi pineqarpoq siunertamut aalajangersimasumut sanaartorfissamik nutaamik atugassiisoqassasoq. Inissiffissatut siunnersuutigineqartoq tusarniaassutigineqarpoq najukkami soqutiginninneq qulakkeerniarlugu. Tamatumunnga atatillugu tusarniaanermut akissut ataaseq tiguneqarpoq.

Tasiilami B-51 1894-imi sananeqarpoq eqqissimatitaallunilu, taamaattumik illumik piginnittup akisussaaffigaa illu oqaluttuarisaanermilu naleqassusaa isumannaassallugit (Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersumi § 22 naapertorlugu). Kommuneqarfik Sermersooq B-51-imik piginnittuuvoq taamaattumik ingerlatsiviup matumuuna saqqummiuppaa illup siunissami iluarsaanneqarnissaanut atatillugu nuunneqarnissaanut siunnersuut.

Ingerlatsiviup nalilerpaa B-51-ip massakkut inissisimaffigisaa siunissami ajornartorsiutaalissasoq, aqquernup illup toqqammavianiit portunerusumiittup qanittuani illu inissisimammat. Tamanna isumaqarpoq illu aputinut katersuuffiusorujussuusoq aputillu aannerani immattoortartorujussuulluni ilaalu ilanngullugit.

Taamaattumik ingerlatsiviup Nunatta Katersugaasivia suleqatigalugu illup allamut nuunneqarnissaanut periarfissaqarnerasoq misissorpaa. Siunissami inissisimavissaani sanaartorfissamik immikkoortitsisoqarnikuunngimmat ingerlatsiviup inissisimavissamut siunnersuut tamanut tusarniaassutigaa. Tassunga atatillugu tusarniaanermut akissummik ataatsimik tiguisoqarpoq, tamannalu ingerlatsiviup saniatigut aqqusinermik allanngortitsinissamut periarfissanik misissuinissaanik kinguneqarpoq. Pitsaanerpaamik iluarsisuteqarnissaq qulakkeerniarlugu saniatigut immikkut ingerlanneqassaaq.

B-51 immikkoortup ilaani 30C1 Tasiilami illoqarfiup qeqqani inissisimavoq, illoqarfiullu pisoqartaanut aqquernup akianiittumut *Ujuaap Aqqutaa* ilaalluni.

B51-imut illoqarfimmi sungaartumik nalunaarsukkami allassimavoq:

“Ajoqersuiartortitap illugeqqaagaa B-51, taaguute-qartinneqartoq “Kastellet” taasariaqarpoq assigiin-ngitsunut marlunnut atorneqarsimasutut, tassa

quersuaaqqatut aammalu inuit najugaqarfissaattut. Illu napparneqaqqaaramili sunut tamanut atornegartuarsimavoq. Ukiuni makkunani allaffittut atorneqarpoq. Sananeqaqqaarami quassuttooqarpoq imminnut najurnmisunik silataagut sallilikkersugaalluni, silatirinigullu immikkut, sallilikkat qaavisigut, sukalersugaalluni anorimut illersuutissanik. Ullumikkut silataa salliligaqarpoq, ullumikkullu igalaavi matualu nutaajupput. Amrnassalimmi illut siullersaattut, aammalu ukiif-fiusussatut sanaasimasutut suli atasutut, illu taanna oqaluttuassaqaqluarnermigut pingaaruteqaqluarpoq.”

Inissisimavissatut siunnersuut sapaatit akunnerini arfineq-pingasuni tamanut tusarniaassutigineqarpoq.

Ingerlatsivimmit aningaasatigut sulisoqarnikkullu naliliinerit

Inissisimavik nutaaq akuerineqarpat sulisoqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pingaaruteqannngilaq.

Inatsisitigut tunngavissaq allakkallu tunngaviusumik uppernarsaatillit

- Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
- I Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. 5, 12. juni 2019-imeersoq (Nunami allanngutsaaliukkami Kalaallit Nunaata Avannaani aamma Kangiani illersuinnermut aalajangersakkat sukannerulerisat, illunik aserfallatsaaliineq iluarsaasernerlu pillugit malittarisassani erseqqissaaneq aamma kulturikkut kingornussat sumiiffinni kulturikkut oqaluttuarisaanermut tunngasut inissisimaffigisaanni ingerlatat sunniutaasa nalilersorneqartarneri)
- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Inissiffissatut siunnersuutigineqartuq

Punkt 15: Kommunitut pilersaarummut tapiliussassatut siunnersuut 3A3-9 Kangillinnguit, Nuuk pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliussatut siunnersuut 3A3-9 Kangillinnguit, Nuuk

Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tamanut tusarniaaneq

Aalajangiiffigisassaq

SagsID.: EMN-2023-01447

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ingerlatsivimmit kommunimut pilersaarummut tapiliussatut siunnersuut 3A3-9 Kangillinnguit sapaatip-akunnerini arfineq-pingasuni tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A3-9 Kangillinnguit, Nuuk, matumuuna saqqummiunneqarpoq.

Immikkoortup ilaa 3A3 Nuup avannamut kitaaniippoq, Kangillinnguit ilaaniippoq, tamanilu illoqarfimmi atuuffinnik arlalinnik neqerooruteqarpoq pinngortitamut illoqarfimmullu qanittuulluni, ineqarfissatullu assut pilerigineqartuulluni.

Kommunimut pilersaarummut tapiliussaq una suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilerinartuunera attanneqarniassamat. Pilersaarutit tunngavigisatut atuuttoq tallimanik assigiinngitsunik kommunimut pilersaarummik tapiliussamik imaqarpoq, amerlanerillu atuutilersinneqarneranniit nutarternikuunngillat piffissamullu maanna naleqqukkunnaarlutik. Immikkoortumi aalajangersakkat kommunimut pilersaarummut tapiliussamat ataatsimut katersorneritigut nutarternitigullu, sanaartukkanut pioreersunut pilersaarummut tunngavigisap annertussusaa ersarissarneqassaaq.

Kommunimut pilersaarummut tapiliussap imarai immikkoortumi pitsaassutsinut nassuiaat kiisalu inissiat qanoq allilersinnaanerannut aalajangersakkat siunissamullu qularnaarineq, saniatigullu illut ilusaat immikkoortup ilaaniittut ilisarnaataat immikkuullarissusaallu eqqarsaatigineqarlutik

Matumani kommunimut pilersaarummut tapiliussami inissiat pioreersut allilernerqarnissaannut, aneersuartarfiit pioreersut allilernissaannut, kiisalu naatsiviliornissamat aamma nerisassiornermullu atugassamik naatsiviliornissamat periarfissiisoqarpoq. Tamatuma saniatigut Ippiarsuk puiguttortunut immikkoortortamik ilallugu allilernerqarnissaanut pilersaaruteqartoqarpoq. Pilersaarummut tunngaviumi utoqqaat illuanik alliliinissamat sanaartorfissamik marlunnik atugassiisoqarpoq, taamaalilluni immikkoortumi killeqarfik allilernerqassaaq.

Ingerlariaqqinnissaq

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussamat 3A3-9 Kangillinnguit, Nuummumut siunnersuutip uuma akuersissutigineqarneratigut immikkoortumut 3A3-mut kommunimut pilersaarummut tapiliussat atuuttut tamarmik atorunnaassapput:

Illoqarfimmut pilersaarut 3.00: Kangillinnguit Timaat, Illoqarfimmut pilersaarut 3.02: Paarnani inissiat 175-it, Illoqarfimmut pilersaarut 4.05: Avaalaciaq, Illoqarfimmut pilersaarut 3A3.7 Attartup Timaa & Kommunimut pilersaarummut tapiliusaaq 3A3-8 Ammassat.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Ilanngussat

1. Kommunimut pilersaarummut tapiliussatut siunnersuut 3A3-9 Kangillinnguit, Nuuk

Punkt 16: Kommunitut pilersaarummut tapiliussassatut siunnersuut 1A18-3 C. E. Janssensvejimi inissiaqarfik, Nuuk, pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliussassatut siunnersuut, 1A18-3 C E Janssensvejimi inissiaqarfik



Kommunimut pilersaarummut tapiliussassatut siunnersuut 1A18-3 C. E. Janssensvejimi inissiaqarfik, Nuuk, pillugu tamanut tusarniaaneq

Aalajangiiffigisassaq

SagsID.: EMN-2023-02688

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- ingerlatsivimmit siunnersuut kommunimut pilersaarummut tapiliussassatut 1A18-3 C E Janssensvejimi inissiaqarfik, Nuuk, pillugu sapaatip-akunnerini arfinilinni tamanut tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Kommunimut pilersaarummut tapiliussassatut siunnersuut 1A18-3 C E Janssensvejimi inissiaqarfik, Nuuk, Sanarfinermut Avatangiisinullu Ingerlatsivimmit matumuuna saqqummiunneqarpoq.

Pilersaaruteqarfik 1A18 2,6 hektarit missaani annertutigaaq, Nuummi illoqarfiup qiterpasissuani Myggedalenip/Qaqortup aamma Qernertunnguit akornanni inissisimasoq. Kommunimut pilersaarummut tapiliussami immikkoortup nunataa killeqarfilersorneqarnera aamma pingaarnertut atuuffia inissianut siunertanut kiisalu immikkuualuttut marluk allanngortinneqanngillat. Kujataatungaa immikkuualuttoq A pioreersunik inissialtalik. Avannaatungaani immikkuualuttoq B-mi imminut attanneqarsinnaasunik misiligutinik inissialortoqarsinnaavoq.

Misileraalluni sanaartorneq ima paasineqassaaq:

- Nutaanik imaluunniit allaanerusunik sanaartoriaaseqarneq, sanaartukkanik ilusileeriaaseqarneq aamma ingerlatsinermi asarfallatsaalinermilu periuseqarneq, tassunga ilanngullugit kaajallaasitanik aamma najugaqariaatsinut nutaanut aaqqiissutissat
- Misileraalluni sanaartorneq avatangiisinut, inuuniarnikkut aamma/imaluunniit aningaasaqarnermut tunngasunik ilisimasatigut iluaqutaassaaq
- Tamatuminnga ilisimasaqalerneq takussutissarsineqarsinnaassaaq suliffeqarfimmiillu attuumassuteqanngitsumiit uuttortarneqarsinnaassalluni
- Misileraalluni sanaartorneq atoqqinneqarsinnaasuussaaq Kalaallit Nunaannullu tulluarsarlugu siammarneqarsinnaasuussalluni
- Inerpera tamanut takuneqarsinnaasuussaaq, inuiaqatigiinnut iluaqutigineqarsinnaaqqullugu

Qaqortumi nutaamik sanaartornermi pingaartumik eriagisariallit sanaartukkallu pioreersut eqqumaffigineqassapput. Taamaattumik isikkuisa ilaannut naleqqussagaassalluni.

Siunnersuut sapaatip akunneri arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuutip 1A18-3 akuersissutigineqarneratigut kommunimut pilersaarummut tapiliussaq 1A18-2 atorunnaarsinneqassaaq



Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Ilangussat

1. Kommunimut pilersaarummut tapiliussassatut siunnersuut, 1A18-3 C E Janssensvejimi inissiaqarfik

Punkt 17: Kommunitut pilersaarummut tapiliusseq 3C9-1, Inuussutissarsiteqarfik mittarfiup qanittuaniittoq, Nuuk, pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliussassatut siunnersuut 3C9-1, inuussutissarsiteqarfik mittarfiup qanittuaniittoq

Kommunimut pilersaarummut tapiliusseq 3C9-1, Inuussutissarsiuuteqarfik mittarfiup qanittuaniittoq, Nuuk, pillugu tamanut tusarniaaneq

Aalajangiiffigisassaq

SagsID.: EMN-2023-02420

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliusseq 3C9-1, Inuussutissarsiuuteqarfik mittarfiup qanittuaniittoq, Nuuk, sapaatit akunnerini arfineq-pingasuni tamanut tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C9-1 Inuussutissarsiuuteqarfik mittarfiup qanittuaniittoq, Nuuk, matumuuna saqqummiunneqarpoq.

Mittarfissuartaassamut atatillugu pilersaarummut tapiliusseq una immikkoortup ilaa nutaaq 3C9 pilersinneqarpoq. Immikkoortup ilaa qaqqap Quassussuup (Lille Malene) paavaniippoq. Immikkoortoq avannamut killeqartinneqarpoq ukunannga 3E5 mittarfiup eqqaaniittumit aamma 4D2 Sisorartarfiup eqqaaniittumit, kujataatungaani Borgmester Anniitap Aqquserna, kangiatungaani qaqqap 4D11 qaqqap qaavata qingartaraanit, taavalu kitaatungaani 3E5-mut mittarfiup eqqaanut.

Kommunimut pilersaarummut tapiliusseq suliarineqarpoq Nuummi mittarfiup qanittuaniittoq immikkoortup ineriartortinneqarnissaa qulakkeerniarlugu. Kommunimut pilersaarummut tapiliussamut ilanngullugu immikkoortup ilaa 3C9 atugassiissutigineqarpoq inuussutissarsiuuteqarfimmut mittarfeqarfimmut attuumassuteqartunut qitiusoqarfittut siunertanut atorsinnaasoq, tamakkununnga ilanngullugit: allaffiit, lagerit aammalu quersuit, angallassissutit attaveqaasersuutillu, ilioraaffiit, amerlasuunik pisiniarfiit, biilnik cykkilinillu atukkiussisarfiit, taxanut bussinillu inaaliisarfiit, nerisassanik pajuttuisarfiit, takornarialerisut/angalatitsiviit, akunnittarfiit, neriniartarfiit, café, ataatsimeersuartarfiit assigisaallu.

Kommunimut pilersaarummut tapiliussami matumani sanaartorfissat atugassiissutigineqarput immikkut atuuffeqartussat tamakkununnga ilanngullugit: mittarfiup eqqaani biilit uninngasarfiinut, mittarfimmik suliarinnittussamik piginnittup allaffeqarfissaanut aammalu mittarfiup akunnittarfissaanut. Tamatuma saniatigut periarfissaassaaq Illerngit 2001-ip aamma mittarfiup biilinuut uninngasarfiata mittarfiullu illutaata akornanni pisummik ikaarfissamik sanasoqarnissaa.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussatut siunnersuutip matuma 3C9-1 Inuussutissarsiuuteqarfik mittarfiup qanittuaniittoq akuersissutigineratigut taarserneqassaaq kommunimut pilersaarummut tapiliussami 3E5-5-imi aalajangersakkat 3C9-1-imi immikkoortup ilaani killilersuutinuut tunngasortaanut ilanngunneqartut.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisssaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Ilanngussat

1. Kommunimut pilersaarummut tapiliussassatut siunnersuut 3C9-1, inuussutissarsiuqarfik mittarfiup qanittuaniittoq

Punkt 18: Lukket

Punkt 19: Lukket

Punkt 20: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:05.